

**Diamars
awor lo
devela
Henny Eman
Boulevard**



Famia ta haya e caso aki hopi straño

LandsRecherche a cuminza investiga morto misterioso di detenido den cel na Warda di Macuarima

■ • *Marduga nan a djis yama Polis pa yuda calma e homber...*

Ministro Geoffrey Wever a cende e pagara historico den centro di Playa




ORANJESTAD (AAN): Ministro Geoffrey Wever a haya e honor, pa uza un mecha y cende loke ta wordo describi un 'Pagara Historico' di Diaranson, Bispo di Aña Nobo, na Oranjestad.

Esaki tabata durante un actividad di 'Ban Bek Caya' den dia, unda e tiendanan ta conecta hunto pa trece un Pagara Historico.

E actividadnan aki a uni Caya Betico Croes, cu Columbusstraat, Wilhelminastraat, y tambe Plaza Daniel Leo.

Alrededor di 2:00 pm, Ministro Geoffrey Wever den presencia di Prome Ministro Mike Eman, Ministro Gerlien Croes, Ministro Wendrick Cilia, y Ministro Mervin Wyatt-Ras tabata den Wilhelminastraat hunto cu algun miembro di Parlamento pa presencia



esaki.

Tabatin varios turista tambe den e area cu a bay admira con e Pagara tabata tira y desinfecta tur e area cu su huma.

Parada di Flambeau ta start awenochi pa 8'or



ORANJESTAD (AAN): Tur cos ta cla pa Aruba cende e mecha di Parada di Flambeau, pa asina drenta den e rapidéz di 2026 rond di Carnaval 72.


Carnaval 72 lo ta hopi cortico e biaha aki, ya cu Diadomingo 15 di Februari 2026 ya caba tin e Parada Grandi di Carnaval.

Awe Diasabra 3 di Januari 2026, lo cuminza cu Fakkel. Esaki lo cuminza pa 8:00 pm, y e ruta lo ta for di Aruba Entertainment Cen-

ter (Dakota), sigui pa Avenida Milio Croes, Vondellaan, Lloyd G. Smith Boulevard, y finaliza na Turbo Rotonde banda di Wendy's.

Grupo 1 lo ta TOB Carnival Group. Grupo 2 lo ta Dushi Carnival Group. Grupo 3 ta Los Laga Bai. Grupo 4 lo ta Royal Carnival Group. Grupo 5 ta Champagne Carnival Group. Grupo 6 ta Empire Carnival Group. Grupo 7 ta Colours Carnival Group. Grupo 8 ta HEPA DMC Society.

Temblor leve registra Diaranson anochi pazuid di Aruba



ORANJESTAD (AAN): Net riba Bispo di Aña Nobo, esta

Diaranson 31 di December 2025 pa 6:56 pm ora di Aruba, un temblor a wordo registra den e zona pazuid di Aruba.

E epicentro a wordo localiza na 12.04° Nort y 70.04° West. Esaki ta como 16 km Zuidwest di Cabo San Roman na Peninsula di Paraguana (Venezuela). E ta exactamente 45 km Zuid-Westzuid di Baby Beach na San Nicolas (Aruba). E ta exactamente 53 km Zuid di Wilhelmina Park

na Oranjestad (Aruba).

E temblor tabatin un magnitud leve di 2.8° riba Scala di Richter, y a wordo localiza na un profundidad hopi superficial, esta apenas 9,5 km bao superficie di tera. E temblor e biaha aki no tabata riba lama, sino riba tera di estado Falcon.

Ningun informacion a drenta di hende cu a sinti esaki, ni daño na edificio. Esaki tampoco no a keda registra na estado Falcon.

Boulevard di rotonde Mahuma bay pabao te rotonde banda Sun Plaza Mall

Diamars awor lo devela Henny Eman Boulevard



ORANJESTAD (AAN): Gobierno di Aruba cu decision, riba peticion di Stichting Henny Eman, pa cambia un parti di L.G. Smith Boulevard den Henny Eman Boulevard.

E trayecto di caminda cu lo haya nombracion nobo ta core for di e rotonde di Mahuma te na e rotonde banda di Sun Plaza, unda Avenida Nelson Orlando Oduber ta cuminsa. Cu e decision aki, ta rindi un homenahe duradero na Jan Hendrik Albert (Henny) Eman, e prome Minister-President di Aruba y un di e arkitectonan mas importante di e Estado Arubiano moderno.

E escogencia pa, precisamente e parti aki di e boulevard, no ta algo sin mas. E via aki ta forma, manera si fuera, un liña di tempo bibo di e historia moderno di Aruba y ta refleha na diferente punto e vision, e politica y e obranan grandi di bida di Henny Eman, asina tambe e compromiso di generacionnan di su familia pa lora ta e desaroyo di Aruba.

Riba e boulevard aki ta bira visibel e construccion di e industria turistico moderno di Aruba — un sector cu Henny Eman ta reconoci como su fun-

dador. Den relacion cu e expansion di capacidad hotelero despues di Status Aparte, bou di su liderazgo tambe e aeropuerto internacional a wordo modernisa y amplia di manera substancial.

Den e proceso aki a realisa innovacion strategico pa Aruba: e implementacion di e servicio di inmigracion Americano (US Pre-Inspection) na Aruba, cu a fortalece considerablemente e posicion internacional y competitividad di Aruba como destino turistico.

Tambe proyectonan grandi di desaroyo territorial y economico a surgi na e periodo ey y a wordo realisa a lo largo di e boulevard, manera e ampliacion di tera unda Harbour Town a bini y su construccion, unda awe ta situa e Renaissance Convention Center & Ocean Suites, asina tambe Sonesta Hotel, cu aworaki ta parti di e mesun compleho.

Ademas, e boulevard aki ta e curason administrativo di Pais Aruba. Na e boulevard aki ta situa, entre otro, Parlamento di Aruba, diferente oficina gubernamental importante y Gabinete di Gobernador. E institucionnan aki ta

simbolisa Aruba como pais autonomo den Reino di Hulanda - un realidad constitucional cu a tuma forma bou di liderazgo di Henny Eman.

Un elemento historico special ta cu e parti aki di e boulevard ta conecta na dos punto cu Watty Vos Boulevard. E conexion teritorial aki tin un fuerte nificacion simbolico. Watty Vos tabata un bon amigo, contemporaneo y e 'geestverwant' di Henny Eman. Ambos a hunga un rol clave den desaroyo politico y social di Aruba y a comparti un conviccion profundo den autonomia, democracia y bienestar general. Cu e boulevard aki ta topa cu otro, ta keda crea un recuerdo tangibel di nan esfuersonan comparti pa Aruba.

E profundidad historico di e boulevard ta reforsa aun mas pa medio di e statuonan di su welo Henny Eman y di su tata Cornelis Albert (Shon A.) Eman, dos figura clave den e lucha largo y principia pa autonomia y bienestar general di Aruba.

Ademas, e boulevard ta pasa a lo largo di e waf di Oranjestad, un lugar cu tin un nificacion historico profundo. Un di e portan-

an den e waf ta yama Cornelis Eman Kade, nombra na e bisawelo di Henny Eman. Cornelis Eman tabata un defensor progresivo y influyente di e mehoracion y modernizacion di e puerto maritimo di Aruba - un aporte cu a bira di gran importancia pa e desaroyo economico y conexion internacional di Aruba.


Henny Eman a guia Aruba den un periodo hopi dificil, poco despues di ciere di refineria LAGO na 1984. Introduci Status Aparte y na mes momento restora un economia gravemente afecta, tabata un tarea enorme. Cu curashi, vision y determinacion, el a logra duna direccion na Aruba y crea un perspectiva nobo di autonomia y resiliencia economico.

E inauguracion oficial di Henny Eman Boulevard ta tuma lugar dia 6 di januari, presisamente un año despues di fayecimento di Henny Eman. E fecha aki a wordo scogi conscientemente como un momento di recuerdo nacional y reflexion, unda Aruba ta para pa contempla riba su nificacion historico y su legado duradero. E inauguracion y recono-

cimiento aki ta pasa, ademá, di un manera special enfoca den e aña cu Aruba ta celebra cuarenta aña di Status Aparte. Den e logro insuperabel aki ta wordo reconoci e nacimiento di Aruba como pais autonomo den Reino di Hulanda, unda e prome Minister-Presidente, Henny Eman, y su antepasadonan a hunga un rol di pionero a lo largo di generacionnan.

Durante e inauguracion, Aruba Airport Authority lo tambe aporta su contribucion social. Den marco di e iniciativa di 100.000 mata di Gobierno di Aruba, Aruba Airport Authority lo procede cu e plantacion di decenas di mata y planta riba e berm a lo largo di e trayecto aki di e boulevard. Di e manera aki, e acto di recuerdo ta wordo conecta cu un inversion concreto den durabilidad, sostenibilidad y futuro di Aruba.

Gobierno di Aruba ta expresa su aprecio pa e iniciativa di AAA y di Stichting Henny Eman y ta considera e nombracion aki como un homenahe apropia y digno na un estadista cu a dedica su bida na construccion di un Aruba nobo y na servicio di bienestar general.



Famia ta haya e caso aki hopi straño

LandsRecherche a cuminza investiga morto misterioso di detenido den cel na Warda di Macuarima

• *Marduga nan a djis yama Polis pa yuda calma e homber...*



ORANJESTAD (AAN): Tabata riba Diahuebs 1 Januari 2026 pa mas o menos 7:40'or di mainta durante un control den celnan na Warda di Polis Santa Cruz, agentenan a bin topa cu un detenido masculino kende a dicidi na comete algo extremo, di pone fin na su bida. El a nota cu e detenido Ruben Dario Conde di 45 aña di edad, no ta reacciona.

Di biaha el bati alarma door di informa Chef van Dienst, y

na su turno ta pone Central di polis na altura. Aki segun e draaiboek, Central na su turno a pone tur instancianan concerni na altura di esaki. Esey a inclui tambe LandsRecherche, y tambe team forensic di BFTO, y Polis Tecnico.

Bureau Slachtofferhulp a presenta tambe pa asina guia e famia den e momento lamentable aki.

Mas detaye: E victima Ruben ta naci na Colombia dia 10 di Februari 1980, a caba di celebra cambio di aña y a bay su cas alrededor di 3:30 am bay drumi na un cas den bario di Verano, cu ta keda den area pabao di Sero Biento.

Banda di 4:00 am den su bario, hendenan a tira pagara y esaki a spanta Ruben, kizas el a kere cu ta un sorto di tiramento ta andando. El

a bula for di bentana di cas, y despues a manera cuminza haya gana di destrui tur cos den cas. Asina famia a yama Polis, pensando cu agentenan lo bin papia cu Ruben pa calme. Pero ora cu famia a mira con Polis a cuminza actua cu man duro contra e persona, nan a hasta pidi pa cancela e asistencia, y nan a musta di ta dispuesto pa keda cu e ciudadano Ruben na cas y lage trankiliza.

Pero Polis no a haci caso di famia, y nan a bay cu ne pa Warda di Polis na Santa Cruz.

Mainta banda di 9:00 am ora cu a ricibi yamada di Bureau Slachtofferhulp, mesora a pensa cu Ruben lo a muri.

Esaki ta numeroso caso unda ciudadanonan ta pidi asistencia di Polis pa yuda



calma un familiar cu kizas a wak demasiado den e boter, y na final e ta termina cu morto. Casonan grandi asina ta conoci pa e.o. loke a pasa na Aruba na e.o. dilanti cas di famia na Rooi Koochi, y tambe cas di famia na Sero Pita. Unda cu famia a yama Polis djis pensando cu lo yuda calma un persona... pero na final ta mal noticia a ricibi.

Famianan e biaha aki ta

haya e morto di Ruben Dario Conde uno misterioso, y nan ta exige splicacion di loke a socede. Awor cu LandsRecherche a wordo envolvi, lo por spera cu nan lo pasa check tur testigo den e caso aki. Den pasioyo dilanti Celnan for di hopi decada caba tin camera instala, pero no ta conoci si acaso esnan na Santa Cruz lo ta capta tur cos te paden di cel.

Victima di hincamento grave na Shiribana toch no kier duna informacion ni ricibi yudansa



ORANJESTAD (AAN): Tabata Bispo di Aña Nobo, algo despues di 12:00 pm cu autoridad a ricibi informacion cu un maltrato severo a caba di socede na Shiribana, na e cas "conoci pa Husticia" riba caminda principal di Paradera pa Tanki Leendert.

Sabiendo cu esaki ta un area

hopi fastioso cu hendenan dudoso canando den e area aki, ta diferente unidad di Polis a wordo manda cu urgencia. A pone Centro di Alarma tambe na altura, y a core manda Ambulance tambe.

Ora cu a yega, a bin haya un persona masculino cu tin algun hinca no mucho severo

na su curpa. Pero di prome instante, ya caba e victima a laga sa cu e no ta desea asistencia medico, tampoco e no kier duna declaracion. Paramediconan a yega y eyan mes nan a revisa su heridan. Pero el a keda nenga di bay pa Hospital.

Varios persona a indica cu ta 2 hende a ricibi golpi y/of hincamento. Ta un grupo di homber a yega eyan den un auto compacto, y a ataca e duo. Un di e victimanan a durante a atake, a core bay sconde den e cas pa asina no haye. Pero e otro victima a ricibi hinca serio na curpa.

Testigonan a splica cu e grupo di atacante a uza machete y otro obheto skerpi pa ataca nan cu ne. Nan a describi e grupo como 4 hende no-local, y nan tabata den un Kia Picanto color di plata.

Polisnan a notifica e instancianan concerni y a cera e area unda e kapmento a sosode, cu ta pabao di e cas cerca di un compania di yabi y lock, pa cuminsa investiga-



El a nace pa exactamente 1:20 am

Baby di Aña 2026 a bira Abizeily Werleman



ORANJESTAD (AAN): Ta hopi hende tabata wardando cu atencion pa haya sa kende lo bira Baby di Aña 2026.

No mester a warda hopi, pasobra apenas 80 minuut despues di tiro, ya e Baby di Aña di 2026 a nace. Y el a ricibi e nomber bunita Abizeily.

Babygirl aki a nace pa exactamente 1:20 am na verloskamer di Dr. Horacio Oduber Hospital (HOH). Un rato despues pa 1:23

am, otro baby muha muhe a nace, pues un momento di hopi alegria pa Aruba y team di HOH cu e bendicion aki.

Ta un tradicion cu Aruba ta pendiente manera semper pa sa ken ta bira e baby di aña y pa 2026 e ta resulta un baby mucha muhe mescos aña pasa. For di momento cu 12'or di anochi a bati, tur personal di departamento di Maternidad tabata pendiente yegada di e prome



baby y hopi contento nan a bira ora no un pero dos baby a nace casi tras di otro.

Cu alegria y orguyo, mami Shaneyda Werleman a carga su baby Abizeily.

A compronde cu Baby Abizeily a nace un parto



natural, y ta Shaneyda su di tres yiu muhe. Abizeily su rumannan tin 10 aña y 6 aña. Tata Abraham Maduro tambe ta super contento pero mester a traha e dia di Aña Nobo, y no a logra yega pa un potret. E parto a bay lihe, sin ningun problema y tabata encarga pa partera Quandt. Baby Abizeily ta pisa 3740 gram y tin un largura di 50.5 cm.

Mami y papi ta super feliz cu nan baby Abizeily ta saludabel y ta gradici partera Quandt, enfermer-



anan Traemaine, Thirza, Jennifer, Melizienne y henter e team di maternidad pa e guia durante henter e proceso prome y despues di e nacemento.

Team di HOH tabata presente hunto cu sr. Jacco Vroegop, presidente di Hunta di Directiva di HOH unda el a felicita mami Shaneyda cu baby di aña 2026, esta Abizeily.

Tambe a pasa un rato cerca e di dos baby di aña esta Skailyh-ann di mama Lukania van Leenen y

tata Darlin Montero cu a nace via di un operacion di emergencia. E babygirl ta saludabel y tur cos a bay bon.

Gradicimento ta bay na e diferente donacionnan haci na e baby di aña 2026 di Compra Trading y Swift Distribution Aruba.

Team di HOH ta felicita famia y Aruba henter cu baby di aña 2026 y alavez ta desea un y tur un feliz y saludabel 2026 y claro tambe hunto ta bisa Salud na bo Salud.





Cuminsando cu 4 florin, bo por gana e suma grandi aki

Afl.

150.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Mensahe nacional di fin di aña di Minister President Eman

ORANJESTAD (AAN): Den su discurso di Fin di Aña 2025–2026, e Prome Minister di Aruba, mr. Mike Eman, a invita pueblo Arubiano pa un momento di reflexion profundo riba pasado, presente y futuro di nos pais. E mensahe, presenta for di e historico Bestuurskantoor y finalisa den e sala nobo di Consejo di Ministro, a destaca continuidad di liderazgo, servicio y responsabilidad nacional.

Den su palabra, e Prome Minister a subraya e significado historico di Status Aparte, cu lo celebra 40 aña na 2026, y e 50 aña di nos Himno y Bandera como simbolonan bibo di identidad, unidad y compromiso cu Aruba. El a enfatisa cu Status Aparte a crea e vehiculo constitucional pa Aruba por traha riba e bon comun pa henter e pueblo. Esaki ta haci cu Status Aparte ta un responsabilidad continuo pa sigui traha riba un miho mañan.

“Status Aparte ta un responsabilidad diario pa crea un mañan nobo,” el a expresa durante e discurso



Un parti central di e discurso tabata e principio di e Bon Comun, como guia fundamental di gobierno. Basa riba pensamiento di su abuelo, Henny Eman, e Prome Minister a recalca cu prosperidad cu ta wordo duna na Aruba mester wordo comparti di manera husto. E a referi na e discurso di su abuelo ya na 1929, mustrandu riba locual nos haya na prosperidad mester wordo mira como cu a bin di “de Hand der Voorzienigheid”. Locual bini for di Man di Providencia mester wordo hustamente comparti cu e pueblo, e abuelo di Promer Minister a bringa p’e durante su carera como vocero di e Pueblo di Aruba.

“Loke ta wordo duna na Aruba mester beneficia tur; cu ningun hende no ta invisibel y cu ningun barío no ta lubida,” el a declara siguiendo e pensamen di e ‘Man di Providencia’ cu su abuelo a para p’e, asina Promer Minister Eman a conecta principio moral cu accion concreto di gobierno.

Den e marco aki, e Prome Minister Eman a anuncia tambe cu na fin di Januari lo wordo organiza na Aruba un conferencia internacional rond di e tema The Common Good. (Bon Comun). Na e conferencia aki lo participa personanan prominente for di mundo academico, circulonnan religioso, organiza-

cionnan no gubernamental y politica internacional. Cu e encuentro aki, Aruba kier ofrece un plataforma pa reflexion global riba responsabilidad, solidaridad y desaroyo husto, y na mes momento posiciona su propio vision riba e Bon Comun na nivel internacional.”

E Prome Minister a detaya iniciativa clave cu gobierno a cuminsa na 2025 y cu lo continua na 2026, entre otro apoyo pa mayornan, aumento di pensioen, restauracion di cubrimiento completo di medicina, presencia semanal di gobierno den barionan, y un agenda fuerte pa oportunidad economico y sostenibilidad ambiental.

Mirando padilanti, e discurso a presenta un vision pa un Aruba mas fuerte y mas equitativo, incluyendo reforma fiscal pa promove inversion, rescate di scolnan, revitalisacion di San Nicolas, transformacion di e area di refinaria, y un cambio di rumbo den turismo for di cantidad pa calidad. El a subraya cu gobierno ta mira crecimiento economico y bienestar social como dos caminda cu mester

cana hunto.

Den contexto di tension internacional, e Prome Minister a reafirma cu Aruba ta traha estrechamente cu Reino di Hulanda y su partnernan pa garantisar seguridad y estabilidad. El a comparti un mensahe di Fe y speranza citando Isaías 51:5, recordando cu “riba Mi e islanan lo warda, y riba Mi brasa nan lo pone nan speranza”

Finalmente, e discurso a dedica un momento special na memoria di e difunto Prome Minister Henny Eman, reconociendo su rol historico y expresando solidaridad cu tur ciudadano cu a pasa pa perdida y dolor durante e aña.

“Dolor ta conecta nos, pero amor tambe. E caminda di e Bon Comun cu Henny a scoge ta e caminda cu nos ta sigui,” el a bisa den un mensahe carga di emocion recordando su ruman cu a fayece 6 di januari 2025.

E discurso a cera cu un yamada na union, gratitud y confianza den futuro di Aruba, reafirmando un tema nacional: “Aruba ta di nos tur.”


BMW a bolter riba WVB Boulevard keda mey-mey caminda



ORANJESTAD (AAN): Tabata Bispo di Aña Nobo, esta Diaranson 31 di December alrededor di 1:00 am, cu Central di Polis a dirigi patruya urgente pa WVB Boulevard, como 55 meter pariba di e rotonde na Bushiri, como cu un vehiculo a bolter.

E patruya di Playa cu a yega eynan, a nota cu no ta trata di un vehiculo, sino un auto sedan cu a bolter y keda cu su cuatro wielnan den halto.

Ta trata di un sedan marca



BMW, y a yega cerca y e topa cu e chauffeur, kende a splica nan cu e ta OK.

Tur cos ta muestra cu pa un of otro motibo e chauffeur a perde control riba e auto, rancando un borchí di

trafico.

Caminda a wordo cera pa un rato, te ora takelwagen a presenta pa lant’e di eybao pa asina trafico por sigui move.

Caso den caminda smal di Soledad

Accident fuerte entre dos vehiculo y un boto a finaliza den maltrato



ORANJESTAD (AAN): Tabata Diaranson atardi, esta riba Bispo di Aña Nobo, cu Central di Polis a ricibi informacion cu riba e caminda smal cu ta pasa door di Soledad, tin un accident di vehiculo. Despues a drenta informacion pa Polis bay mas rapido, debi cu esnan involvi tabata dal otro.

E caminda cu ta pasa den Soledad ta notorio pa con smal e ta. Ora cu Polis a

yega, a bin nota cu no ta trata di accident di auto



manera prome version, pero ta un dalmento entre un vehiculo Ford Pickup color blauw (lastrando un boto grandi), y un vehiculo Ford Bronco blanco. Nan a dal den e parti hopi smal di e caminda, caminda normalmente chauffeurnan tin di core mas amistoso, y ofrece e otro trafico un chens di pasa den e pida smal. Pero aki esaki no a socede, y a dal duro den otro.

Polis mester a yega lihe na e lugar di accident, debi



cu chauffeur di e Ford Pickup cu tabata lastra e boto a dicidi na baha su rabia, ataca y maltrata ambos ocupante di e Ford Bronco. Despues di a comete esey, el a bandona e lugar.

Polis a yega pero ya caba e homber a bay. A cumenza atende e detayenan di e accident, como cu e daño material ta considerabel, tanto na ambos vehiculo y tambe e boto, y e trailer di boto. Personal di Roadser-

vice tambe a yega.

Diripiente e persona cu a agredi e ocupantenan a yega, y Polis mesora a arresta e homber. A manda busca vehiculo di transporte, y asina a bay cu ne pa e wordo interroga. Paso-bra di un accident, e caso a bira awor maltrato severo.

Cu auto particular, un di esnan herida door di e maltrato a wordo hiba pa Hospital.

1 di Januari 2026:

A observa e di 40 año di Status Aparte di Aruba




ORANJESTAD (AAN): E fecha 1 di januari tin un significado profundo pa Aruba. Un fecha sigur cu ta basa riba hopi año di lucha y mara na e deseo profundo pa autonomia. Riba 1 di januari 1986, nos a logra oficialmente nos Status Aparte, y bira un pais constituyente separa den Reino Hulandes.

E logro aki a duna Aruba

mas autonomia, a establece su propio Parlamento y Gobernador, y a duna e entrada na Constitucion di Aruba y Banco Central di Aruba. Tabata un dia cu a transforma e panorama politico di nos isla y a solidifica su identidad riba escenario internacional.

Riba 1 di Januari 2026, Aruba ta conmemora 40 año di Status Aparte; cuatro decada di autonomia, fortalecimiento institucional y orguyo nacional. E logro aki ta refleha e resiliencia, vision y compromiso firme di e pueblo Arubano pa sigui construi su propio futuro, mientras nos ta honra e legado y tur esnan cu a hiba un lucha cu a trece nos asina leu.

Motociclista a dal peaton y ambos a keda herida



ORANJESTAD (AAN): Tabata riba Bispo di Aña Nobo, anochi faltando par

di ora pa cambio di año, cu Polis a wordo informa di un accident na Urataca.

Esaki a socede net na e T-weg cu ta bay pa Urataca.

E prome informe ta cu un motorcycle a dal un peaton, y debi na esaki ambos persona awor ta herida.

Polis di Santa Cruz a yega rapido na e lugar, y mesora a pidi Ambulance pa ambos victima. Centro di Alarma na su turno a dirigi dos unidad di Ambulance pa bay duna un man.

Mientras cu Polis a tuma tur dato, na final Paramediconan a haya cu ta esencial pa transporta tur dos victima pa Servicio di Emergencia na Dr. Horacio Oduber Hospital.

E caminda mes na Urataca a keda cera pa un rato pa polis di trafico por a haci nan investigacion.

One Love Foundation cu donacion di \$8.000 na Fundashon Stimami Sterilisami como apoyo pa su labor continuo

ORANJESTAD (AAN): Fundashon Stimami Sterilisami ta expresa su profundo gradicimento pa e sosten continuo di One Love Foundation, incluyendo su donacion generoso reciente di \$8.000. Total 100% di e dononan aporta na Stimami Sterilisami ta wordo usa pa cubri e costo di sterilisacion di cacho of pushi registra via nan programa nacional, cual ta cubri 100% di e costo di e procedura na e veterinarianan participante den su campaña nacional y ta inclui anestesia, medicamento y un microchip. E suma di One Love lo wordo compensa cu un suma igual Florin pa Florin pa Bucuti & Tara Beach Resort, cu tambe ta sirbi como un sostenido generoso y e fundador di Sti-



mami Sterilisami.

E mision di One Love Foundation, un fundacion estableci na Merca, ta pa genera fondo for di exterior, amplia comprension, y educa hende tocante e necesidad urgente di bienestar animal na Aruba. E fundacion a forma un alianza cu Stimami Sterilisami den December 2021, reconociendo e importancia di un control humano di poblacion pa reduci e cantidad di animal

riba caya y mehora nan salud y calidad di bida.

For di 2016, Stimami Sterilisami a subsidia casi 47,000 sterilisacion. E esfuerso aki no solamente ta yuda reduci e cantidad di animalnan riba caya, sino tambe ta mehora nan salud y calidad di bida. E exito continuo di e mision ta depende fuertemente riba e sosten di donantenan generoso manera One Love Foundation, Bucuti & Tara Beach

Resort, Aruba Tourism Authority, Tourism Product Enhancement Fund, Setar N.V., y hopi otro. Sin nan contribucion, e trabao vital aki no por sigui.

“Nos ta profundamente agradecido pa e apoyo extraordinario di One Love Foundation, cual su compromiso cu nos causa ta sinceramente inspirante,” Ewald Biemans, Presidente di Fundashon Stimami Sterilisami ta comenta. “E ta inspirante pa wak cu un fundacion basa na merca y su miembronan ta traha asina duro pa recauda fondo pa nos animalnan, demostrando e amor cu nan tin pa nos isla cu nan accionnan, creando un impacto real y duradero den nos comunidad.”

Motiva pa pasion y determinacion, One Love Foundation, Bucuti & Tara y Stimami Sterilisami ta uni den nan compromiso pa sigui fortalece e bienestar di animal na Aruba. Keda pendiente, pasobra den poco nos lo lansa nos prome evento di foam party pa recauda fondo - un iniciativa dinamico cu ta uni e comunidad mientras tare-spaldando un causa cu gran balor social.

Pa mas detaye, pa involucra bo mes, of pa contribui cu un donacion, por bishita stimamистерilisami.com. Pa contribui na e causa, donacionnan por wordo haci via transferencia bancario pa Fundacion Stimami Sterilisami, via Aruba Bank, cu number di cuenta: 6012630190.

ARUBA
Beach Club Resort

since 1977

We Are HIRING!

The Aruba Beach Club Resort is a world-class timeshare resort that, as the first of its kind in the Caribbean, provides Aruban-style excellent service to its members and guests.

Open positions:

- **Houseman**
- **Public Area Attendant (M)**
- **Security Guard**
- **Front Office Reliever**
- **Housekeeping Supervisor**

Benefits:

- **Attractive Salaries**
- **Year-end Bonus**
- **5-day workweek (40 hours per week)**
- **Life & Health Insurance**
- **Dental & Vision Insurance**
- **Company & Personal savings plan program**

Submit your application, including cover letter and resume, via email to hrmanager@arubabeachclub.net or personally at our Human Resources office at J.E. Irausquin Blvd. 53, Monday to Friday, from 9:00 am to 3:00 pm. For more information, call us at 524-3017 or 524-3016.

Wardacosta a bay evacua tripulante di barco crusero cu a ricibi varios herida



ORANJESTAD (AAN): Tabata Diamars anochi 30 di December, cu Centro Operacional Maritimo (Centro MOC) di Wardacosta a ricibi mensahe di urgencia di un barco crusero cu a caba di sali di Curaçao. Nan yamada ta pa asistencia medico.

A resulta cu un miembro di tripulacion di e barco aki, durante su labor algo a bay malo, y resultado ta cu el a ricibi varios herida na su curpa.

E ora Centro MOC a contact e Docter di CITRO pa consulta cu ne riba e urgencia, y esaki a indica cu

ta necesario pa bay duna e miembro di tripulacion asistencia medico mesora, y cu e tin di wordo evacua y hiba pa Hospital.

Aki a core pone e personal di Helicopter di Wardacosta na altura, cu mesora a lanta vuelo y dirigi nan mes pa e barco crusero cu e momento ey ainda tabata den awanan territorial.

E pashent cu e Helicopter a wordo transporta pa Aeropuerto di Curaçao, unda cu personal di Ambulance a bay cu ne rumbo pa Curaçao Medical Center pa mas tratamiento medico.

Develo di Escudo di Pais Aruba na Bestuurskantoor



ORANJESTAD (AAN): Prome di januari atardi, na Bestuurskantoor, a tuma luga e develacion oficial di e escudo di pais Aruba, un acto solemne cu a reuni simbolismo, historia y identidad nacional. E momento ta forma parti di e celebracionnan relaciona cu Status Aparte y e desarojo institucional di Parlamento di Aruba, y a sirbi como un recordatorio poderoso di e balornan riba cual nos pais ta traha.

Vice-prome minister di Pais Aruba mr. Gerlien Croes durante su discurso a enfatisa riba e responsabilidad grandi cu henter Gabinete AVP-Futuro tin pa 2026 y cu tin cu laga cada logro historico te cu awo, guia cada minister den tuma decisionnan corecto pa pais y su futuro. Den union semper nos lo logra.

E develacion a tuma lugar den un ambiente di

reflexion y respet, den un edificio cu ta representa gobernacion y continuidad di estado. E escudo di pais Aruba, como simbolo nacional, ta refleha e identidad, fortaleza y aspiracionnan di pueblo Arubiano, y ta para como un señal visible di autonomia, dignidad y responsabilidad colectivo.

E celebracion di e escudo ta conecta directamente cu e historia di Aruba como pais autonomo dentro di Reino, y cu e caminda cu a yega na Status Aparte. Simbolonan nacional manera e escudo, himno y bandera no solamente ta representa pasado, pero tambe ta sirbi como guia pa e decisionnan di awe y pa e futuro di pais, ta locual cu Prome Minister di Aruba mr. Mike Eman a comparti durante su discurso durante ceremonia.

Durante e acto, a tuma momento pa honra e legado

di e prome prome minister di pais Aruba Henny Eman, un di e pioneronan di Status Aparte y un lider historico cu a haci contribucionnan duradero na formacion di Aruba como pais. Su vision riba autonomia, responsabilidad y bienestar pa tur ciudadano ta sigui forma parti di e fundeshi moral di nos in-



stitucionnan.

E ceremonia di develacion di e escudo di pais Aruba ta simbolo di continui-

dad: un brug entre pasado, presente y futuro. Den un periodo caminda Aruba ta prepara pa celebra 40 añan di Status Aparte y 50 añan di Himno y Bandera, e acto aki a reafirma e compromiso cu nos pais tin cu su identidad, su pueblo y e principio di Bon Comun. Cu orguyo nacional y respet pa historia, e Escudo di Pais Aruba ta keda como un señal duradero di union, perseverancia y speransa pa e generacionnan presente y futuro.



ALMANAC




Bahada y salida di solo na Aruba

— **3 Januari 2026**
Solo ta baha: 6:27 p.m.
— **4 Januari 2026**
Solo ta sali: 7:03 a.m.
Solo ta baha: 6:27 p.m.
— **5 Januari 2026**
Solo ta sali: 7:03 a.m.

Bo mester di un hende pa Scucha bo ??



Tel: 583-1190
Anonimo y Confidencial



Lista di Crusero di bishita na Aruba

— **Diasabra 3 Jan. 2026:**
AIDAprera:
(09:00 - 21:00)
— **Dialuna 5 Jan. 2026:**
Europa 2:
(08:00 - 18:00)
Valiant Lady:
(09:00 - 19:00)
— **Diamars 6 Jan. 2026:**
Seabourn Ovation:
(07:00 - 21:00)
— **Diaranson 7 Jan. 2026:**
Caribbean Princess:
(09:00 - 22:00)
Brilliant Lady:
(10:00 - 22:00)
Norwegian Sky:

DIARIO

Loke Tempo ta Mostra....



• No ta spera cambian grandi den estado actual di tempo, y extension di area di presion halto riba Atlantico ta sigui ta e factor dominante pa region, apart di un awacero pasahero, no ta spera yobida di importancia y tempo seco lo prevalece.

• Biento di Pariba entre 12 y 30 km/h, tin biaha e ta fuerte den rafaga di 31 te 50 km/h. Lama modera cu olanan di 4 pa 6 pia,



REGISTRO DI TEMPERATURA Y CUANTO AWACERO A YOBE ROND DI ARUBA

For di DIAMARS 8'or mainta te DIARANSON 8'or mainta:

- Temperatura registra na **Aeropuerto, Aruba:**
—Maximo: **30° C.** Yobida: **0.0 mm.**
—Minimo: **26° C.**
- Temperatura registra na **Westpunt, Aruba:**
—Maximo: **30° C.** Yobida: **0.0 mm.**
—Minimo: **26° C.**
- Temperatura registra na **Santa Rosa, Aruba:**
—Maximo: **30° C.** Yobida: **0.0 mm.**
—Minimo: **26° C.**

For di DIARANSON 8'or mainta te DIAHUEBS 8'or mainta:

- Temperatura registra na **Aeropuerto, Aruba:**
—Maximo: **31° C.** Yobida: **0.0 mm.**
—Minimo: **27° C.**
- Temperatura registra na **Westpunt, Aruba:**
—Maximo: **30° C.** Yobida: **0.0 mm.**
—Minimo: **26° C.**
- Temperatura registra na **Santa Rosa, Aruba:**
—Maximo: **31° C.** Yobida: **0.0 mm.**
—Minimo: **27° C.**

For di DIAHUEBS 8'or mainta te DIABIERNA 8'or mainta:

- Temperatura registra na **Aeropuerto, Aruba:**
—Maximo: **32° C.** Yobida: **0.4 mm.**
—Minimo: **26° C.**
- Temperatura registra na **Westpunt, Aruba:**
—Maximo: **31° C.** Yobida: **0.0 mm.**
—Minimo: **26° C.**
- Temperatura registra na **Santa Rosa, Aruba:**
—Maximo: **32° C.** Yobida: **0.3 mm.**
—Minimo: **26° C.**

DENTISTA NA WARD

Weekend 3 y 4 Januari 2026



— 3 + 4 Januari 2026 —
Dr. Jundira Ras,
Sero Blanco 27.
Telefon: 582-9900

ATENCION: Diasabra y Diadomingo, Dentista na warda lo ta merdia na clinica di 12'or pa 1'or. Bo tin di paga 125 Florin pa consulta. Procedimentonan manera ranca djente lo costa extra.

Bureau Traimerdia a tene su ultimo encuentro di aña 2025



ORANJESTAD (AAN): Bureau Traimerdia a celebra su ultimo teambuilding di aña 2025 cu un desayuno di pasco.

Conhuntamente a reflexiona riba e trabou cu tur empleado ta cherce cu amor y pasion pa nos muchanan despues di ora di scol.

Durante e mainta directora di Bureau Traimerdia, Marelene van der Linde a expresa su gradicimento na tur empleado pa nan dedicacion durante aña 2025.

Tambe a bin pa dilanti cu na momento cu bo ta wak, sinti y papia di cambio ta significa cu

BTM ta progresando y innovando.

Esaki solamente tabata posibel door di tin colaboracion y trabou den ekipo.

Alabes e directora a anuncia un proyecto cu lo inicia na januari 2026 na unda BTM lo tin su website y ta bay den e direccion di ta mas automatiza y digitalisa pa su clientenan.

BTM a duna elogio na tur empleado pa nan fieldad durante e añanan laborando na BTM.

Pa termina BTM ta extende su mas sincero gradicimento na tur empleado, stakeholders y Ministerio di educacion pa nan dedicacion durante aña 2025.


Alabes ta desea henter Aruba un feliz pasco y un aña 2026 positivo y exitoso.

Airbnb a nace na 2008 cu huurmento di dos corchon di aire hunto cu desayuno

ORANJESTAD (AAN) Den e dlanan aki e palabra “Airbnb” ta basta menciona den nos comunidad, pero kizas di kico ta trata ta algo cu no tur hende realmente sa, mas leu cu ta e un sistema di acomodacion pa bishitantenan, cu ta bin Aruba pa un vacacion corto.

Kico Airbnb tin su tras ta toch interesante pa menciona, alomenos pa esnan cu no sa ainda kico exactamente, e ta.

E sistema Airbnb a surgi na aña 2008, debi na e necesidad di su fundadornan, Brian Chesky y Joe Gebbia, di paga nan huur di apartamento, y nan a huur dos corchon di aire na nan apartamento mes, na asistentenan na un conferencia. E idea a evoluciona di un “Airbed & Breakfast” (corchon di aire cu desayuno), na e plataforma global cu ta conecta e viaheronan cu alohamentonan unico, agregando un sistema di re-



seña y pagonan sigur pa genera confianza y expande nan mes mundialmente.

E idea a bin debi cu e dos personanan aki menciona no tabata tin placa pa paga nan huur y a bin cu e iniciativa di ofrece dos corchon di aire hunto cu desayuno na varios di e asistentenan na e conferencia den e ciudad, na momentonan cu e hotelnan tabata full yen. E prome nomber cu nan a uza ta “Airbed & Breakfast”, y na 2008 a uni na Brian y Joe, un di tres co-fundado yama Nathan Blecharczyk, y nan a lanza e prome version di un website airbedandbreakfast.com pa formaliza nan negoshi.

Nan a topa cu dificultadnan

financiero na cuminzamento, incluso nan mester a vende caha di cereal personaliza pa recauda fondo.

Pero nan a logra un inversion di un compania y despues di un empresa di capital, cu a permiti nan crece. Seguidamente, nan a reduci e nomber di “Airbnb”, na Maart 2009. Nan a logra crea confianza, ora nan implementa un sistema di reseña pa guestnan y anfitriónnan, cu pagonan confiable, resolviendo asina e problema di desconfianza riba hende desconoci y a laga crece e platform.


Awendia e sistema aki a bira un mercado comunitario global pa huurmento di duracion corto, cu ta ofrece un alternativa accesibel y local tanto individual como na e hotelnan mes, cu lo cual a revolucionar e industria di e turismo y e economia di e paisnan pa loke ta trata alohamento.

Trekkingslijst van de Landsloterij

1ste trekking

KEN	TWEZ	4100	600	6114	600	8231	600	10303	250	12275	600	14478	600	16503	250	18740	600	20609	1500	22706	600	24874	200	26944	600	28802	600	30893	350	33003	250	34903	250	
HEDEN	DUIZEND	4103	250	6119	600	8232	750	10329	600	12293	350	14484	600	16517	600	18744	200	20618	600	22708	600	24874	200	26993	1000	28803	250	30897	600	33024	600	34915	600	
3 250	2003	250	4144	200	6141	600	8244	200	10335	600	12303	250	14493	350	16544	200	18752	600	20638	600	22744	200	24877	600	26993	600	28803	600	30903	250	33030	600	34926	600
21 600	2044	200	4154	600	6193	350	8303	250	10375	600	12344	200	14503	250	16603	800	18803	250	20693	350	22771	600	24899	600	26993	600	28865	600	30933	1000	33074	600	34946	600
TIEEN	2075	600	4192	600	6203	250	8344	200	10383	600	12393	350	14509	600	16644	600	18828	600	20697	600	22778	600	24903	250	26993	600	28873	600	30933	1000	33074	600	34946	600
TALLEN	2093	350	4193	350	6232	600	8364	600	10393	350	12403	250	14541	600	16681	600	18844	200	20703	250	22785	600	24921	600	27003	250	28893	350	31003	250	33193	350		
24 600	2102	600	4203	250	6240	600	8373	600	10403	250	12437	600	14544	200	16693	350	18893	350	20703	250	22792	600	24943	600	27019	600	28903	250	31019	600	33203	250		
58 600	2112	600	4250	600	6247	600	8393	350	10420	600	12444	200	14590	600	16703	250	18923	600	20722	600	22798	600	24965	600	27052	600	28944	200	31003	250	33144	200		
93 350	2144	200	4293	350	6258	600	8403	250	10425	600	12468	600	14593	350	16731	600	18944	200	20738	600	22800	600	24985	600	27063	600	28952	600	31044	200	33173	600		
HONDERD	2156	600	4298	600	6293	350	8403	600	10444	200	12475	600	14595	600	16744	200	18973	600	20744	200	22803	250	24993	1000	27093	350	28993	1000	31093	350	33193	350		
TALLEN	2168	600	4303	250	6303	250	8415	600	10469	600	12493	350	14603	800	16765	600	18993	1000	20789	600	22830	600	24993	1000	27103	250	28993	1000	31103	250	33196	600		
21 600	2168	600	4303	250	6303	250	8415	600	10469	600	12493	350	14603	800	16765	600	18993	1000	20789	600	22830	600	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
244 200	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
21 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
244 200	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
21 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
244 200	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
21 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
244 200	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
21 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
244 200	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
58 600	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196	600		
93 350	2174	600	4323	600	6344	200	8444	600	10493	350	12544	200	14615	600	16793	350	19023	600	20794	600	22844	200	24993	1000	27103	250	28993	1000	31103	250	33196			

1ste trekking op 1 januari 2026
Waarvan proces-verbaal was opgemaakt
en ondertekend door U. Pauletta namens de
Directeur van de Gaming Control Board, de
getuigen en de directeur van de Landsloterij.



drs. A.P.V Guillermo

Getuigen:
S. Vos

S. VOS
S. Monte

www.l

www.landsloterij.org



Alle prijzen zijn in Caribische guldens.

REN VAN UITBETALING:

URAÇÃO : 8.00 - 15.00 (maandag t/m vrijdag)
Tel: 462-4088

1. 402-4000

RUBA

anjestad : 8.00 - 12.00 en 13.30 - 16.30

:(002975) 824784

n Nicolas : 8.30 - 16.00 (maandag t/m vrijdag)
: (002975) 845200

002070/010200

ONDAIRE : Maandag tot en met vrijdag

tot 11 uur voormiddag
tot 3 uur namiddag

Telefon: (0717) 7047

 MİLLÎ EĞİTİM BAKANLIĞI
 T.C. Milli Eğitim Bakanlığı

MAARTEN: 7.15 - 12.30
: 0017215424536

LANDSLIDE

BA: s.v.p. bellen AT'ABO SA

l. 0017215228528

F. EUSTATIUS : 0318-3368, 0318-3088, 0318-4051

**Tradicion
ta conecta nos**

SETAR
Sponsor Oficial

SMAC cu Stichting Musica y Ambiensis a forma un partnership



ORANESTAD (AAN): den Carnaval 72 ta tur un partnership recien hende tur por gana y celebra wordo logra, pa asina ebra den grandi. Esaki

e grupo aki a describi como ‘Union ta haci Forza’.

A ser splica cu Carnaval 72 lo conoce un ahuste positivo pa su actividadnan, danki na un colaboracion historico. SMAC, Stichting Musica y Ambiensis Entertainment a uni pa por brinda comunidad, carnavalistanan y

musiconan un periodo Carnavalesco berdaderamente grandi y vibrante pa e temporada nos dilanti.

E meta di partnership aki entre e tres organizacionnan to pa demostra cu hunto por ofrece consistencia den e calidad di produccion, brinda solucionnan logistico

faborabel pa tur evento y maneha gastonan na un manera mas eficiente pa cu Carnaval.

Tur detaye tocante coda evento di Carnaval 72 y mas informacion pa publico general, lo wordo anuncia durante e conferencia di prensa oficial riba Dialuna venidero.

Ya caba comunidad por busca PPV pa mira actividad di Carnaval



Diasabra 3 Januari 2026 - Oranjestad ~ 8:00 pm	Parada di Flambeau
Diabierna 9 Januari 2026 - Lugar no-anuncia ~ 6:30 pm	Calypso Roadmarch Contest Infantil Hubenil
Diasabra 10 Januari 2026 - Lugar no-anuncia ~ 6:30 pm	Eleccion Reina Hubenil y Eleccion Reina Adulto
Diadomingo 11 Januari 2026 - Lugar no-anuncia ~ 7:00 pm	Eleccion Reina Infantil y Eleccion Reina Grandi
Diabierna 16 Januari 2026 - Lugar no-anuncia ~ 7:00 pm	Festival di Tumba Infantil y Hubenil
Diasabra 17 Januari 2026 - Balashi Beer Garden ~ 7:00 pm	Festival di Tumba
Diadomingo 18 Januari 2026 - Oranjestad ~ 2:00 pm	Parada di Fantasia
Dialuna 19 Januari 2026 - Carnival Village ~ 8:00 pm	Pre-Finals Soca & Monarch
Diamars 20 Januari 2026 - Carnival Village ~ 8:00 pm	Pre-Finals Soca & Monarch
Diaranson 21 Januari 2026 - Carnival Village ~ 8:00 pm	Pre-Finals Soca & Monarch
Diabierna 23 Januari 2026 - Lugar no-anuncia ~ 8:00 pm	Night of the Hit Makers
Diabierna 30 Januari 2026 - Oranjestad ~ 10:00 am	Parada Escolar Oranjestad (Scolnan preparatorio y Basico)
Diabierna 30 Januari 2026 - Lugar no-anuncia ~ 7:00 pm	MUSICA Fundraising Event
Diasabra 31 Januari 2026 - Bubali/Noord ~ 3:00 pm	Parada di Mucha na Noord
Diasabra 31 Januari 2026 - Carnival Village ~ 7:00 pm	Aruba Soca Monarch Grand Final



ORANJESTAD (AAN): ‘PPV’ cu por wordo haci Pa Carnaval 72 lo tin hopi evento cu lo ser transmiti den e sistema di Pay-per-View, esta

E biaha aki SMAC lo tin canal di PPV yama ‘SMAC Ambiente den 72 Package’. Tambe Stichting Musica lo tin un canal di PPV yama ‘MUSICA Soca in your Backyard’. A compronde cu ya caba bo por aplica pa e servicio aki na e website: ppv.setar-code.aw

Lo por spera extra informacion riba e servicionan aki den dianan venidero.

Banda Avanti a indica cu nan lo no toca mas pa Grupo HEPA den Carnaval

ORANJESTAD (AAN): Exactamente cuatro dia prome cu Parada di Flambeau, e grupo musical ‘Avanti’ a emiti un anuncio, unda nan ta splica cu nan lo no ta participando mas cu HEPA DMC Society Carnival Group mas.

Segun nan splicacion, nan lo no ta participando mas cu HEPA pa e aña Carnavalesco aki, debi cu na ultimo minuut e grupo



a cancela nan contract.

Grupo Avanti awor ta ofrece disculpa na tur su

fanaticonan, y ta gradicinan pa nan compromiso y sosten continuo.

Cancion lansa pa banda 'activemirror' na honor di cancion 'Scochi Bo Mama' di Vicente Kelly



ORANJESTAD (AAN): E banda alternativo di Aruba, "activemirror", a caba di lanza un grabacion nobo yama "Scochi Bo Mama", cu ta e tan stima clasico folclorico componi door di Vicente Kelly. E cancion a wordo graba y lanza cu e aprobacion di famia Kelly y viuda Elvia Kelly, y awor ya ta disponibel rond mun-

do riba tur plataforma di streaming.

Skirbi y canta originalmente door di Vicente Kelly, "Scochi Bo Mama" ta pone contraste riba e inocencia sin preocupacion di infancia, cu awor trabao, belasting, y e preocupacionnan di bida adulto, mientras cu ta sigui anhela pa e comfort di cuida di

un mama, e version di activemirror ta mantene e esencia di e cancion, pero ta duna un toque di punk cu ne.

E cantante principal Liam Sean Kelly a declara: "Mi ta kere cu semper mi tabata kier a graba e cancion aki. Nos guitarista Me'Shaq Richardson, y ami a graba un version na 2023, pero nos no tabata sigur kico nos lo bay haci cu ne. Nos a acerca e cancion aki como si fuera e grupo 'Sex Pistols' ta cubri e cancion 'My Way' di Frank Sinatra".

"E momento ey, nos tabata puntra nos mes si tabatin sentido cu nos ta traha riba un cancion gusta pa pueblo, principalmente ora cu nos tabata ainda ta explorando nos relacion cu e escena musical local. Tambe e ta un forma di mustra con musica por wordo interpre-



ta di multiple forma, esta cu cancionnan por cobra bida nobo sin perde su origen," segun Liam a bisa.

E single a wordo graba, mezcla, y masteriza pa Kevin N. da Silva, kende tambe a produci e lanzamiento hunto cu Kelly. E cancion a wordo graba na e establecimiento di Alfie's na Oranjestad, cu ta e cas creativo di hopi tempo pa e banda musical aki.

E lanzamiento a wordo acompaña pa un videoclip, dirigi y produci pa Jason Yarzagaray di NPC Pro-

ductions. Por mira e videoclip na:

www.bit.ly/scochi

activemirror ta un banda alternativo y post-punk di cual nan musica ta explora memoria, identidad y lugar via di skirbimento atmosferico di cancion, y presentacion en bibo hopi inmersivo. E banda ta representa Aruba riba stage internacional, mientras nan ta sigui contribui na e comunidad original di musica cu ta sigui crece riba e isla.

SMAC tambe a bisa ayo na aña bieu cu pagara



ORANJESTAD (AAN): A toca turno na president di organizacion SMAC mes, pa asina cende nan pagara na nan oficina den edificio di Plaza Libertador Betico Croes.

Esaki a wordo haci den

presencia di algun Prins y Pancho como tambe Reinanan nobo pa Carnaval 72. Cu musica di Carnaval y cu alegria y sonrisa, a sigui cu un brindis unda tur hende a desea SMAC pa nan tin un total exito pa e

periodo di celebracion aki cu ta start awe Diasabra cu Parada di Flambeau, y finaliza riba Diadomingo 15 di Februari cu Parada Grandi di Carnaval.



E vacuna anti-influenza ta yuda hopi y ta sigur: algo cu ami mes ta experiencia

Skirbi pa Mercedes Monge

No obstante cu tin casonan di influenza na Aruba, y cu incluso tin bon indicacion cu tin hende cu mester a wordo hospitaliza, danki Dios, pa corto plazo, no tur ciudadano kier a vacuna.

Ami mes a scucha hende bisa cu e vacuna anti-influenza por trece consecucionan pa salud, tambe ta bon pa scucha e banda di moneda cu podise, no a wordo bon scucha pa esnan cu tin ripara contra e vacuna.

Den pasado, y desde e añanan cu mi a biba na mi pais Costa Rica, mi tabata haya griep cu basta frecuencia, y e tipo di griep cu ta tira bo riba cama, cu nanishi congestiona, fiebre, tosamento cu slijm, calafrio, dolor di curpa, pero "pisa, pisa", y mas.

Si mi no ta hera ta 13 aña pasa (cu e vacuna tabata nobo na Aruba), mi a tuma mi prome



vacuna anti-influenza. Den mi caso, el a bira un must pa ami a sigui tume tur aña te aworaki, cada aña cu a sigui mi a cumenza haya menos sintoma, y te dia di awe mi ta tum'e cu hopi FE y mi por bisa, maske con straño e por zona, cu mi ta stima e vacuna aki.

Cu nunca mi a bolbe hay'e? Esey no t'asina, semper mi a keda cu e predisposicion, y por ta un aña mi por haye un tiki mas fastioso, pero no manera den pasado.

E aña aki mi a haya sintoma si, pero mi por deal cu ne, bas-

ta dal un par di vitamina C pa dia, Vitamina D-3, y tee cu lamunchi e ta yuda hopi. Mester tene cuenta cu e tipo di griep/influenza cada aña ta cambia, y cu e ta un virus cu ta circula mundialmente, y Aruba como un isla turistico, dificilmente por scapa na dje.

Pero mil biaha miho tuma e vacuna cu, con cu bay bin, ta duna bo proteccion no cien porciento, pero un ochenta porciento alomenos, cu por tene bo activo kizas cu nistermento, un tiki tos, hasta un keintura leve, pero no pone bo riba cama.

Claro, hopi tin di haber cu e sistema immune di cada persona, sea mucha, hoben of adulto, pero ami si lo tribi di aconseha, specialmente esnan cu tin e tendencia di wordo contagia lihe, pa tuma e vacuna, e ta un bon opcion y e ta sigur.

Recomendacionnan pa tene cuenta cu ne:

Despues di tuma radioterapia por tin efectonan secundario a corto y largo plazo

ORANJESTAD (AAN) Si-guiendo cu e tema di e motibo cu un persona cu ta, of a, tuma radioterapia no por haci test den e braza unda el a hay'e, awe DIARIO ta elabora tocante efectonan cu por tin na corto y largo plazo, despues di a ricibi e tratamiento aki, si no sigui e instruccion cu a relata, y cu un especialista mes a splica.

Durante, of tiki tempo despues, tin cambianan den e cuero cu ta manifesta nan mes, manera: grawatamento, cuero cu ta habri den e area trata di manera similar na kimamento di solo. Ta bon pa e persona pidi dokter receta di un crema special, pa hunta despues di cada tratamiento Radioterapia. Tin den botica y AZV ta cubrie.

Na largo plazo por presenta endurecimiento y rigidez di e cuero y tehido den e area trata, causando dolor y limitacion di e movecion.

Por desaroya tambe e asina yama "Lymphedema" ora e ganglionan linfatico a haya radiacion local ta hopi comun den pashentnan cu a haya cancer na pecho.

Tambe por aparece un acumulacion di likido cu ta ocasiona inflacion cronico. Cuero ta bira sensitivo y mas fini, deshidrata y propenso na haya lesionnan.

Cuido Necesario: E cuida di e cuero den e area y tehidonan ta necesario debi cu nan ta bira mas fragil, y ta tarda pa cura.

Pa evita inflamacion ta necesario pa haci ehercicio nan suave, bao indicacion di e especialista, pero sin wordo forza pa e fibrosis no bira mas serio.

Resumiendo: Tur esaki ta recomendacionnan di cuida intenso, pa proteha e braza

di dañonan adicional, ademá pa maneha e efectonan secundario y permiti e recuperacion di e tahidonan, bao guia y supervision di e dokternan especialista of su asistente, y dokter di cas. Pero tin specialistanan cu ta aconseha e pashent pa preferiblemente no haci test di sanger, midi presion, ni nada otro ni tempo despues di a tuma radioterapia, pasobra e celnan ta keda debilita pa semper.

Homber casi a muri na Italia pa a come demasiado bonchi

ROMA: Un ciudadano di riba di 60 aña di edad, casi a perde su bida despues cu su esophagus (slokdam) a scheur debi cu el a come demasiado bonchi (tipo lenteha, conoci como linzen) durante cena di Pasco na e ciudad di Trentino na Italia. Esaki ta loke prensa local a raporta.

"Esaki ta un caso raro, clasifica como Boerhaave Syndroom, ora cu na forma spontaneo y diripiente, e slokdarm ta scheur y kibra na forma explosivo. E ta socede tin biaha ora cu bo curpa ta haciendo esfuerzo intenso, por ehemplo ora bo ta forza pa vomita (sacamento), cu ta pone cu e contenido gastrico y e slok-



darm ta basha den e thorax. E por ta mortal, y ta presenta hopi biaha cerca adultonan mayor," ta loke Alberto Brolese a splica, kende ta e cirujano kende a opera e pashent cu exito.

E operacion a dura mas di 4 ora, y aunke a logra salba e bida di e homber, toch e ta hospitaliza pa varios dia caba den Intensive Care Unit.

Fortaleza di Famia

Diasabra 3 Januari 2026

Dios ta wak tur cos

Skirbi pa: Pastor Marcel Balootje

Prome spiertamento:

NO gaña boso mes, Dios no ta laga haci bofon di dj'E, pasobra loke un hende sembra, esaki, tambe e ta cosecha, Pasobra esun cu sembra pa su mes carni lo cosecha corrupcion for di e carni, ma esun cu sembra pa e Spirito lo cosecha bida eterno for di e Spirito. (Galationan 6:7-8).

Di dos spiertamento:

Ma sabi esaki, cu den e ultimo dianan tempo nan, trabahoso lo bini. Pasobra hende lo ta stimado di nan mes, stimado di placa, gabado, arrogante, blasfemado, desobedecido na mayornan, ingrato, impio, sin amor, irreconciliabel, cu mala lenga, sin dominio propio, grosero, odiado di loke ta bon, traidor, imprudente, soberbe, mas bien stima di di placer cu stimado di Dios. Cu tin apariencia di ta religioso berdad, ma cu ta nenga su poder, evita e sorto di hende nan aki. (2 Timoteo 3:1-5)

Y ta ken mester wordo spierta?

Awel nos ta para dilanti di e temporada, cu tanto esnan cu ta den Señor, y cu nan boca nan ta bisa cu nan ta den Señor, y esnan cu ainda no a entrega na bida na Cristo, mester tene bon cuenta, pasobra husticia di Dios ta conta pa tur hende.

Tur escritura ta inspira pa Dios, y ta util pa siñansa, pa reprenimiento, pa coreccion, pa educa den husticia, pa e hende di Dios por ta perfecto, ekipa den tur bon obra.

Den un palabra bisa tur hende mester wordo spierta!!!

Awor spiertamento no ta hurgamento, pasobra e enemigo a hinca den hopi hende su cabes, cu ora nan wordo spierta cu e palabra di Dios, ta huzga bo ta husga nan. Absolutamente, cu no, esun cu ta spierta bo ta esun cu ta stima bo, y kier mira bo bon.

Awor nos no por tapa solo cu un hende, pasobra e berdad ta den nos bista, y no por wordo scondi;

Nos ta para na porta di e temporada, caminda nos sa cu hende lo haci hopi bofon di Dios y tambe purba manipula Dios. Y esey ta e temporada di Carnaval.

Un temporada caminda, uso di alcohol y droga, adulterio, maldad, malicia, buracheria lo aumenta, y tambe bofon di Dios lo wordo haci bao di capa di cultura.

Pasobra biblicamente no ta existi ningun fiesta cu hende tin cu celebra pa Dios, den cual nan mester ta burachi, droga, of bailando indecente, provocando sensualidad, cual ta termina den inmoralidad.

Pasobra laga nos no lubida, cu ora nos pensa di haci algo of desea di haci algo ya nos a peca cu nos mente dilanti di Dios, y no ta e momento cu e pensamiento of deseo bira pica y hiba na morto.

Awor e spiertamento ta pa e husto no hala for di caminda, y esun cu no conoce e caminda sinti e necesidad di bini riba e caminda.

Awor ta tempo pa hende tene cuenta, cu nos tur por bini na Cristo, pero ora nos entrega di berdad, Cristo ta cambia nos, pa nos no keda manera nos ta, pero cada bes ora e temporada aki yega nos ta slip, bek esey ta nifica cu e entrega no ta di curason, y cu nos tin cu samina nos mes.

Palabra di Dios ta bisa hopi cla den Lucas 21:34-35 Tene cuidao pa boso curason no ta carga pa causa di paranda, y buracheria, y e preocupacion di bida, y e dia ey no bin diripiente riba boso, manera un trampa, pasobra e lo bini riba tur esnan cu ta riba superficie di mundo.

Kico por ta mas bunita, si cada mayor spierta otro y cada mayor spierta nan yiu, pa asina e diabel no tuma ventaha, y kibra mas Famia.

Dios ta wak tur cos.

Pa bo keda conecta cu



WhatsApp

- Pa bo potretnan exclusivo
- Pa cubri bo evento
- Pa raporta irregularidadnan riba caya

ABO TA NOS WOWO RIBA CAYA PA
TUDA INFORMA NOS PUEBLO DEBIDAMENT

561-5325

Sembrando un futuro mas berde:

Empleadonan di Bucuti y Tara Beach Resort a uni cu proyecto di cultivo sostenibel na Jacinta Kleuterschool

ORANJESTAD (AAN): Luna pasa, Bucuti & Tara Beach Resort a uni orguyosamente na e proyecto di Jacinta Kleuterschool den Dakota, contribuyendo tanto cu apoyo financiero como participacion activo di su empleadonan dedica. E iniciativa a reuni mucha, mayornan, docente y voluntarionan di comunidad pa un dia transformativo di formacion sostenibel y restauracion ambiental, sembrando e simia pa un futuro mas saludabel



pa e hubentud Arubano.

Un total di 30 boluntario a tuma parti den e evento, incluyendo maestro y mayor-nan di Jacinta Kleuterschool, miembronan di comunidad, boluntarionan di Living Soil, y e team di Bucuti & Tara. Telaaruba tabata presente pa capta e momento, mientras cu Prome Minister Mike Eman y e Minister di Relacionnan di Reino, Educacion, Hubentud, Innovacion y Deporte, Gerlien Croes, tabata presente pa muestra nan apoyo pa e proyecto y su benefici-nan amplia pa e comunidad di Dakota.

Cultivando sostenibilidad via educacion: Bao di liderato di Rose Barros, experta den agroforesteria di

Living Soil, participantenan a planta 50 especie di fruta y berdura - entre nan papaya, mango, berehein y yuca—organiza cuidadosamente segun principionan di agroforesteria sintropico. E dia aki a representa un punto di referencia importante pa Living Soil, cual a celebra su di 60 proyecto exitoso di “food forest project” na Aruba, reforsando e movecion creciente pa regeneracion ecologico lidera pa comunidad.

Muchanan a siña con mata ta crece, con e ecosistemanan ta traha, y con nan mes por contribui activamente den crea un futuro mas berde - transformando e patio di scol den un klas di naturalesa cu lo sigui florece pa hopi aña

mas.

“Sostene e proyecto di Food Forest ta alinea completamente cu nos mision pa guia Aruba na un futuro sostenibel y restaurativo,” Crescenzia Biemans, Directora General di e resort ta indica. “Mirando muchanan, miembronan di comunidad y nos associates trahando banda di otro ta corda nos cu sostenibilidad ta mas poderoso ora e ta crece for di tera.”

Bucuti & Tara a haci donacion di materialnan esencial, incluyendo mulch, carton, y un sistema specialisa pa regeneracion di tera basa riba fertilisante di burico. E elementonan aki tin un rol crucial den e ciclo di nutricion y mantenimiento na largo plaso, sigurando cu e food forest nobo lo por florece den un manera sostenibel.

Ademas di su donacion di material y financiero, e empleadonan di Resort a traha

durante e dia: prepara e tera, planta y guia e studiantenan, fortificando e compromiso di e resort pa apoyo practico y significativo na comunidad.

E proyecto aki tambe ta fortifica e strategia climatico mas amplio di Bucuti & Tara, incluyendo su esfuerzo pa reduci emision di Scope 1, 2 y 3, y su trabao di restauracion natural den Bucuti Tara-GMC Nature Preserve. Duna sosten pa espacionan natural den bario cu menos recurso social manera Dakota ta un aspecto clave di e mision di e resort: expande sostenibilidad mas aya cu su propio tereno y fortifica famianan mediante educacion ambiental y auto-sostenibilidad.

“Nos compromiso no ta caba awe,” Ewald Biemans, Fundador y Doño di Bucuti & Tara Beach Resort to comenta. “Nos lo sigui bishita e scol regularmente mientras cu e matanan ta crece, man-

tene contacto cu e muchanan y sigui contribui na proyecto-nan sostenibel pa futuro—di mehoracion di e area escolar y su klasnan te na realisacion di un playground nobo.

Ora nos inverti den naturaleza y hubentud, nos ta lanta un Aruba mas fuerte y mas resistente”

Bucuti & Tara ta expresa su mas sincero agradecimiento na Prome Minister Mike Eman y Minister Gerlien Croes pa nan presencia y sosten, y na e maestronan y studiantenan di Jacinta Kleuterschool pa e caluroso bonbini cu nan a duna nos associates durante e momento importante aki.

E resort ta honra pa por contribui na un proyecto cu ta amplia e calidad di enseñansa, fortalece laso comunitario, y contribui na e aspiracion di Aruba pa un futuro mas sostenibel y berde.

Arisnel a gana 25 mil Florin cu wega di Zodiac

ORANJESTAD (AAN): E wega di Zodiac ta sigui di ta basta popular na Aruba. E ta simpel pa hunga, y ta dunabo bon premio pa bo inversion.

Recien ta Arisnel a nota cu su numbernan a sali, y pesey cu hopi alegria el a acudi na oficina di Lotto pa reclama su premio. Aki e funcionaria a revisa e ticket pa check si el a pone su firma na e parti patras di ticket. Ora di scan e barcode den computer, mesora esaki a indica cu Arisnel a gana 25.000 Florin cu e wega di Zodiac.

Mesora a sigui cu e pro-



ceso pa transferi e premio electronicamente pa su cuenta di banco. Arisnel a indica cu e ticket ganador el a cumpra na Rina Highway.

RESULTADO DI SORTEONAN PA CORTESIA DI CADENA ALEXANDER

— Diaranson 31 December 2025
— Diabierna 2 Januari 2026

KORSOU	ZODIAC	LUCKY 3	CATCHI
Diaranson No tin sorteo	Diaranson Merdia 0424 Geminis	Diaranson Merdia 112 FP	Diaranson Merdia 6653 3742 6646 X2
Diabierna 4240 3825 7458	Diaranson Anochi 6072 Libra	Diaranson Anochi 150 FP	Diaranson Anochi 3055 2267 7565 X5
	Diabierna Merdia 5718 Libra	Diabierna Merdia 994 X2	Diabierna Merdia 8981 3244 3045 X2
	Diabierna Anochi 6843 Aguario	Diabierna Anochi 706 X2	Diabierna Anochi 0211 2944 0638 X2
BIG 4 Diaranson Merdia FP 2235 X2 3056 Diabierna Merdia X2 9877 X2 1718	DIFF Diaranson Merdia 4484 Diabierna Merdia 9027	Feliz Aña Nobo Diaranson Anochi 6231 Diabierna Anochi 9450	LOTTO DI DIA Diaranson 19-21-27-28-29 Diabierna 03-05-07-19-21 Siguijete jackpot: 60.000 Florin

BUSCA PALABRA

E	E	C	A	S	A	L	E	G	R	I	A
P	A	A	C	C	A	T	S	E	I	F	S
F	O	R	A	A	I	A	A	P	T	A	A
C	T	N	P	U	P	M	U	J	M	A	M
U	T	A	E	E	D	M	L	A	U	G	U
L	A	V	P	A	R	A	D	A	S	E	C
T	C	A	L	S	O	C	A	A	I	R	A
U	E	L	E	C	C	I	O	N	C	E	L
R	A	U	R	M	E	A	S	I	A	S	Y
A	T	A	A	I	L	U	S	T	C	Y	P
R	L	A	M	L	E	I	E	U	U	L	S
A	E	E	L	T	B	U	A	M	M	R	O
C	A	O	I	A	R	A	L	B	C	D	S
T	D	Y	A	P	A	R	A	A	C	C	A

Carnaval
Fiesta
Cultura

Soca
Calypso
Tumba

Parada
Jump up
Eleccion

Celebra
Musica
Alegria

> SUDOKU <

King Classic Sudoku

	2		1	4	8			3
				9			2	
	1				7		4	5
	9		2					
		1		7		5		8
7				8				2
			7	1	4			
4		5	9					
						7		

Difficulty: ★★★★★ 2-3



Hari Un Tiki

Su yiu muhe porfin a cumpli 18 aña di edad. E tata tabata hopi contento pasobra e ta bay duna e yiu e ultimo cheque pa alimentacion cu e tin cu paga na su ex-casa.

Ora el a duna e yiu e cheque, el a bis'e:

- "Mi yiu, mi kier bo hiba e cheque aki pa bo mama y bise cu esaki ta e ultimo cu e ta ricibi di mi pa e resto di su bida miserable, bis'e esey".

E mucha muhe a hiba e cheque y e tata a keda hopi curioso pa sa kico e 'bruha' a contesta. E yiu a bin bek y su tata a puntre di biaha:

- "Kico bo mama a bisa?"

E yiu a hisa su cara y mira e tata den wowo y bisa:

- "Mi mama a bisa cu e tambe tabata spera e dia aki pasobra e kier a semper bisabo cu abo no ta mi tata."

Ban stop di benta sushi den mondi!

Solucion Anterior

2	6	3	7	9	5	8	1	4
5	7	9	1	4	8	2	6	3
8	1	4	2	3	6	7	9	5
9	8	1	3	6	4	5	7	2
7	4	6	8	5	2	9	3	1
3	2	5	9	7	1	4	8	6
6	5	7	4	1	9	3	2	8
1	3	2	5	8	7	6	4	9
4	9	8	6	2	3	1	5	7

Difficulty: ★★★ 5/31



Resultado di Cachi Cachi

Diaranson,
31 December 2025
#247

268473



RESULTADO

— Resultado di Diaranson 31 December 2025 —

12 19 22 24 25

Free Letter: **J** | **Joker 18**

1er Premio: Tin 0 ganador
2do Premio: Tin 1 ganador di Match 4+Joker.
3er Premio: Tin 6 ganador di Match 4.
4to Premio: Tin 237 ganador di 12 Florin.

Proximo sorteo ta 3 Jan. 2026
Proximo jackpot: Afl. 150.000,--



RESULTADO

Diabierna 2 Januari 2026
Sorteo #1832

09 14 19 26

●●● Mega Ball: **6**

1er Premio: Tin 0 ganador JACKPOT
2do Premio: Demas informacion no a wordo suministra na tempo
3er Premio: Diabierna anochi
4to Premio: door di Fundacion Lotto
5to Premio:

Jackpot pa e proximo Sorteo Mini Mega: 6 JAN. 2026
Afl. 380.000,- • MEGA PLUS: Afl. 540.000,-

EMERGENCIA NA ARUBA

Weekend 3 y 4 Januari 2026

DOCTER NA WARDA

SAN NICOLAS:
Pa San Nicolas, Docter ta na H.A.P. ImSan.
Den weekend di 9:00 am pa 1:00 pm, y di 6:00 pm te cu 10:00 pm.

ORANJESTAD:

Pa Oranjestad, Docter lo ta na Huisartsenpost na Hospital.
Den weekend di 9:00 am pa 1:00 p.m. y di 6:00 p.m. pa 10:00 p.m.

BOTICA NA WARDA

Info cortesia: www.iva.aw

PARIBA DI BRUG:
Botica Aloe NV
Pos Chikito 83
Telefon 584-4606

PABAO DI BRUG:
Botica Oduber NV
Caya Betico Croes 103
Telefon 582-1780

Plataforma Nacional Herencia di Sclavitud na Aruba

Resumen breve di actividadnan di Plataforma PNHSA di September te cu December 2025

ORANJESTAD (AAN): Directiva di Plataforma Nacional Herencia di Sclavitud na Aruba (PNHSA) kier comparti cu comunidad Arubano un resumen breve di actividadnan cu PNHSA a organisa den segundo parti di 2025.

Den September nan a reanuda reunionan di directiva semanalmente pa planea y prepara actividadnan di PNHSA y colaboracion cu otro organizashonnan y personanan local y interinsular den e segundo parti di 2025 y pa 2026.

Nan a drenta un colaboracion cu Comicion di Conmemoracion (Herdenkingscomite) y Biblioteca Nacional Aruba, Succursaal San Nicolas (Edificio Ananzi). E actividad tabata forma parti di un serie di 6 sesion di Youth Dialogue dirigi pa hobennan di 12 pa 18 aña. Un grupo di 25 hoben mayoria Afro-Arubano a participa, parti den tres sesion: (*) Session A. Historia di Kurashi pa medio di AI Videos. (*) Session B. Ananzi via Virtual Reality. (*) Session C. Caranan di Poder: sesion creativo.

Den tres sesion hoben-

nan presente a participa den programa di dialogo tocante Ananzi, den session cu VR (virtual reality) y den un intercambio di opinion basa riba cuater video cortico tocante herencia di sclavitud.

Relato cortico di un parti di e programacion (Session A) 3 session di video durante es evento. Tambe 4 video cortico tokante diferente aspecto di historia di entre otro Aruba (cu habitantenan Indio o sea indigena), captura y traficashon di Africano como catibo cu a ser bendi y transporta den Caribe y America a ser muestra na tres grupo di hoben cu a participa den e evento. E hobennan a duna nan opinion y a expresa nan ideanan pa cku e tema den un ambiente anima. Es actividad a cay den bon tera.

October y November 2025 diferente miembronan di directiva a participa den un serie di 12 transmisionan via radio y livestream cu e titulo "After the Chains" na e emisoranan Hit 94 FM, Magic FM, Waves 1-2 Steph y Wavez OK, Then Sis, S.

Den e programanan diferente miembro di directiva a



comparti informacion historia y influencia Africano, origen y desaroyo di sclavitud y racismo, e razconan di sclavitud y possible solucionnan pa sana e trauma transgeneracional.

E intercambio di informacion a bay den un ambiente anima y e feedback for di comunidad tabata uno di apoyo

pa trece y papia tocante e topico delicado di nos historia Arubano y cu ta bale la pena pa por tin mas combersacion. E transmisionan te hasta a inspira diferente persona cu a acerca directiva di PNHSA pa colaboracion den futuro cercano.

Tambe e directiva di PNHSA

a skirbi un carta publico na comunidad Arubano vociferando nos opinion tocante e tema di "Zwarte Piet".

Directiva di Plataforma Nacional Herencia di Sclavitud na Aruba ta gradeci tur persona, organizacionan y instancianan cu nos pa colabora y intercambio di ideanan y opinion y nos ta spera di por sigui engrandece esaki den 2026.

Por sigui actividadnan di PNHSA via nan website www.pnhsa.org

Directiva di PNHSA ta deseando comunidad Arubano feliz diano di fiesta y un aña 2026i sano, salvo y prospero y cu e zona di Caribe ta keda un zona di Paz.

UN SNECHI DI PALABRA DI DIOS

DIADOMINGO DI EPIFANIA (TRES REY)

04.01.26 #553



1 Lectura: Is 60, 1-6

Salmo: 72

2 Lectura: Ef 3, 2-3.5-6

Evangelio: Mt 2, 1-12

Hesus a nace na Betlehem den region di Hudea, tempo Herodes tabata rey. Dijs despues algun homber sabi di oriente a bini Herusalem. E sabionan a puntra: "Unda e yiu recien naci, e rey di Hudiunan ta? Nos a mira e strea cu ta anuncia su nacemento sali y nos a bini pa dun'e homenahe." Ora Herodes a tende loke nan a bisa, el a bira tur exalta y tur habitante di Herusalem tambe.... Herodes a yama e sabionan di oriente den secreto cerca dje y a informa ki tempo exactamente nan a mira e strea aparece. Despues el a manda nan Betlehem y bisa nan: "Investiga exactamente unda e mucha ta y ora boso hay'e laga mi sa ya mi mes tambe por bay dun'e homenahe." Despues cu e sabionan a ricibi e instruccionnan aki di e rey, nan a bay. Anto nan a bolbe mira e strea cu a aparece na oriente. El a bay nan dilanti te caminda e mucha tabata y a keda para riba e luga ey. Ora nan a mira e strea, nan a bira masha contento. Nan a drenta y haya e yiu cu su mama Maria. Nan a cay na rudia duna e yiu homenahe y presenta nan regalonan, esta oro, sencia y mirra. Despues e sabionan a bolbe bay nan tera via un otro ruta, pasobra Dios a adverti nan den un soño pa no pasa mas cerca Herodes.

Palabra di Señor.

MENSAHE

Awe Iglesia ta medita riba e actitud di un grupo di hende cu ta busca Hesus. Nos ta yama nan "sabi". Sin duda tur hende cu ta busca Dios pa pidi Su bendicion y dun'E homenahe ta hende sabi. Sabinan di evangelio di awe ta usa diferente recursonan pa haya Hesus. Nan ta studia escritura, studia astrologia, profesianan, puntra otro hende... Nan no tin miedo di sacrificio y ta dedica tur nan tempo, pasobra nan ta consciente cu busca Dios ta mas importante cu cualkier otro actividad. Nan ta hende sabi, pasobra solamente cu sabiduria divino por reconoce Dios presente den otro – presente den un mucha chikito. Segun tradicion tambe nos ta yama nan "reynan". Sin duda nan ta reynan cu un spirito divino. Mientras Herodes tin miedo cu den algun tempo otro rey por ocupa su puesto, e reynan aki den tur humildad ta reconoce cu tur poder ta bini di Dios. E reynan aki ta siña nos actitud di respet y obediencia na autoridad supremo di Dios. Rumannan! Ban comporta como hende sabi. Busca Dios cu tur nos inteligencia y recursonan. Ban reconoce su presencia y accion den nos mundo presente. Ban reconoce presente den sacramentonan di Iglesia, principalmente den Sacramento di Eucaristia cu ta presencia real di Hesus cu su curpa y sanger. Ban reconoce presente den Santa Escritura. Ban reconoce presente den nos prohimo y den nos mes. Di un forma particular ban reconoce presente den cada mucha cu ta refleho di Dios su ternura y amor. Encuentro di sabinan cu Hesus a cambia nan bida. Mara nos encuentronan cu Hesus cambia esun di nos.

ORACION

Señor! Duna nos e don di sabiduria pa reconoce bo balor supremo meymey di tur 'rikesa' di mundo.

PROPOSITO

Dedica mas tempo pa studia Palabra di Dios y emplement'e den nos bida spiritual.

Diamars, 6 di januari na Kapel di Alto Vista pa 5:30pm lo tuma luga clausura oficial di Aña di hubileo 2025. Lo tin participacion di tur 9 parokia di Aruba y nan pastooran. Mey ora prome lo resa santo rosario.



Stacionamentonan completamente yen Prome Diabierna di aña a habri cu yen di consumidor cla pa drenta haci compras

ORANJESTAD (AAN) E prome Diabierna di aña 2026 a habri comosifera cu tur cos pa come y bebe a caba, y frishidernan a lanta bashi, y cantidad di consumidor local y guestnan di condominio y otro acomodacionnan cu no ta hotel, a core bay supermarket pa haci compras.

Por a saca e conclusion aki djs door di pasa dilanti di supermarketnan, grandi y chikito, y wak e stacionamentonan full ocupa, bon por bisa, sin mas lugar ni pa un feneta. Esaki sigur, pa e comerciantenan ta algo hopi positivo, pasobra e ultimo dianan tabata mescos y den e establecimentonan mes, a bira hasta dificil pa move cana meymey di tanto hende.

E hobennan cu ta yuda consumidornan cu yena saco na caha, tabata hopi druk, y ohala ni un hende lo a keda

sin duna nan propina, pasobra di nan ta depende nan entrada, ya cu e trahadornan no ta haya salario di e compania. Nan entrada ta depende di nan servicio y di e bon voluntad di e cliente, pa balora nan esfuerzo di hiba nan sako te den auto.

Pues ta di spera cu nan tur a sali faboreci: e supermercadonan cu nan benta, e consumidor cu un bon servicio, y e hobennan cu ta yena sako, cu un entrada di gratitud pa nan esfuerzo.

Diario tin entendi tambe cu aeropuerto mes, pa loke ta check-in tabata hopi druk tur e dianan cu hasta tin personal di e aerolineanan cu mester a keda traha un of dos ora mas di nan horario di salida. Tur loke ta na beneficio di Aruba su economia via su turismo, enberdad ta un gran bendicion pa nos pais.

Marcos Bislip celebrando 35 años informando comunidad di Astronomia



ORANJESTAD (AAN): Dos siman pasa, esta riba Diadomingo 21 di December 2025 Aruba Astro Research Int. y e conocido Marcos Bislip a cumpli 35 años den e tereno di Astronomia.

Tabata na año 21 di December 1990 cu Marcos Bislip hunto cu Ron Van Kessel, Ruben Trapenberg y meneer Jacobs a bin hunto y a lanta e organizacion Aruba Astro Research Int. y na 1997 Gobierno di Aruba y Astronomical League, NASA y IAU ta reconoce AAR y Marcos Bislip, kende a wordo nombra pa Gobierno di Aruba como e persona cu ta representa e tereno di astronomia aki na Aruba desde April 1997 y ta wordo nombra pa ministeraad pa dirigi e Eclipse Total di Solo di 26 di Februari 1998 na Aruba. El a bira e director nacional pa cu e evento y astronomia na Aruba.

Na 1999 Sr.Marcos Bislip a rep-

resenta pais Aruba na Turkia na Kastamono pa prome biaha den e team internacional di astronomia IWGE te dia di awe ta e maximo representante. Tanto Marcos Bislip y e asociacion nacional di astronomia Aruba Astro Research Int. ta dirigi y maneja e tereno di astronomia aki na Aruba y tambe representa Aruba den exterior pa 35 años consecutivo.

Marcos kier a gradici na e team nobo di Aruba Astro Research Int. pa e tremendo adelanto den tecnologia un danki na Rinus y Dario cu a bin yuda y na Ron Van Kessel cu ta un baluarte grandi tambe. E tres miembronan cu tin mas años den Aruba Astro Research Int. ta Sr.Jacobs sigui pa Sr.Ron Van Kessel y Sr.Marcos Bislip. Rinus ta e expert den transmision live via telescope, mientras Ron Van Kessel y Marcos Bislip ta astrofotografo y astrónomo y investigador.

Aruba un biaha mas ta destaca den un contenido viral di beach den Caribe riba social media

ORANJESTAD (AAN): Aruba ta sigui destaca como un destinacion prominente den Caribe pa su beachnan. Siman pasa un publicacion a bay viral riba social media door di e pagina social di Beaute Caraibe. E publicacion, cu ta pone luz positivo riba diferente pais den Caribe cu ta conoci pa nan beachnan, a genera hopi interaccion y a activa curiosidad den beachnan den region.

Aunke Beaute Caraibe y e hashtag cu nan ta uza; #FeastAndFly, no ta afilia na autoridadnan oficial di turismo, nan ta funciona como plataformanan di influencia digital cu ta comparti y amplia contenido di biahe den Caribe pa un audiencia grandi internacional. Nan manera visual di crea contenido ta contribui directamente na e percepcion di biaheronan ora di scoge destinacionnan pa medio di e mundo digital.

E mencion di Aruba den e contenido aki, ta confirma un biaha mas e reputacion internacional di Aruba pa su beachnan limpi, awa tranquil y cristalino, santo blanco, y clima consistente cu solo cayente henter año. Eagle Beach frecuentemente a ricibi reconocimiento internacional, poniendo Aruba den e posicion como destinacion preferi pa amantenan di solo y lama.

Expertonan di turismo ta indica cu posicionnan organico di medionan social,



manera esun aki, ta hunga un rol importante pa biaheronan ora di tuma decision y planea nan destinacion di biahe. E visibilidad digital di Aruba den e publicacion aki, ta subraya e presencia atractivo y fuerte di Aruba den e mercado turistico den Caribe.

Recomendacionnan pa tene cuenta cu ne:

Despues di tuma radioterapia por tin efectonan secundario a corto y largo plazo

ORANJESTAD (AAN) Siguiendo cu e tema di e motibo cu un persona cu ta, of a, tuma radioterapia no por haci test den e braza unda el a hay'e, awe DIARIO ta elabora tocante efectonan cu por tin na corto y largo plazo, despues di a ricibi e tratamiento aki, si no sigui e instruccion cu a relata, y cu un especialista mes a splica.

Durante, of tiki tempo despues, tin cambionan den e cuero cu ta manifesta nan mes, manera: grawatamento, cuero cu ta habri den e area trata di manera similar na kimamento di solo. Ta bon pa e persona pidi dokter receta di un crema special, pa hunta despues di cada tratamiento Radioterapia. Tin den botica y AZV ta cubrie.

Na largo plazo por presenta endurecimiento y rigidez di e cuero y tehidon den e area trata, causando dolor y limitacion di e movecion.

Por desaroya tambe e asina yama "Lymphedema" ora e ganglionan linfatico a haya radiacion locual ta hopi comun den pashentnan cu a haya cancer na pecho.

Tambe por aparece un acumulacion di likido cu ta ocasiona inflacion cronico. Cuero ta bira sensitivo y mas fini, deshidrata y propenso na haya lesionnan.

Cuido Necesario: E cuida di e cuero den e area y tehidonnan ta necesario debi cu nan ta bira mas fragil, y ta tarda pa cura.

Pa evita inflamacion ta necesario pa haci ehercicionan suave, bao indicacion di e especialista, pero sin wordo forza pa e fibrosis no bira mas serio.

Resumiendo: Tur esaki ta recomendacionnan di cuida intenso, pa proteha e braza di dañonan adicional, ademas pa maneja e efectonan secundario y permiti e recuperacion di e tahidonan, bao guia y supervision di e dokternan especialista of su asistente, y dokter di cas. Pero tin specialistanan cu ta aconseja e pashent pa preferiblemente no haci test di sanger, midi presion, ni nada otro ni tempo despues di a tuma radioterapia, pasobra e celnan ta keda debilita pa semper.

Columna E Sembrado

Diasabra 3 januari. Di prome siman di Pasco di Nacemento año 2025. Ciclo A

Lectura: 1 Huan 2, 29-3, 6;
Salmo: 98;
Evangelio: Huan 1, 29-34;

"E ta permiti nos carga e number "yiunan di Dios". Anto di berdad esey nos ta tambe!
(1Huan 3,1b)

Ruman ki bunita ta pa nos por lesa esey cu nos tin un Dios Mahestuoso y Misericordioso cu apesar di nos fayonan ta permiti nos ta Su yiunan, p'esey laga nos puntra nos mes: Con mi comportacion ta dilanti di mi Dios? Kico lo mi tin cu haci pa keda cu e status di yiu di Dios? Ruman entre otro ta preguntanan cu ta bale la pena haci awor na comienso di 2026. Huan ta encurasha nos pa haci bon y sea husto y aleha for di mundo paso: "Ma ken cu sigui haci pica, no a conoc'E, ni sa ken E ta." (1Huan 3,6b) Ruman cos ta serio eynan Huan ta invita nos pa samina nos consenshi pa drenta 2026 cu un curason dirigi riba Hesus y haci nos maximo esfuerso, consultando Spirito Santo pa nos aleha for di e mundo gañado y manipulado cu ta busca tur manera pa hala nos di nos Amor Berdadero cu ta Hesus mes, no tin otro! Ora nos cuminsa experencia esey, nos lo por "Canta contento pa Señor, henter mundo, grita, hubila, canta himno" (Salmo 98, 4)

Oracion: Hesus mi Señor, hacimi fuerte pami rechasa mundo y habri mi curason pa canta, alaba y glorifica Bo Santo Number tur dia di nobo, guia pa Spirito Santo, E Paraclito. Amen.

Grupo Centro Pastoral

DEPORTE INTERNACIONAL

Lamar ta bisa cu e ta bay hunga contra Steelers



BALTIMORE: Lamar Jackson a bisa reporteronan Diahuebs cu tin un chens di 100% cu e ta bay hunga Diadomingo anochi den e wega crucial contra Pittsburgh Steelers, unda cu e ganador ta pasa pa playoffs y e perdedor ta keda cas. E quarterback di Ravens a perde e ultimo wega di su ekipo debi na un golpi cu el a ricibi na su lomba. Jackson a bisa tambe cu e ta ricibiendo hopi tratamiento y cu e ta sinti

su mes hopi bon awor. E quarterback a bisa cu e ta bay uza proteccion den e wega Diadomingo, mientras cu e no ta verwaht cu esaki lo strobe den e wega. Si Ravens gana nan lo gana e division di AFC North pa di tres año consecutivo. Jackson a perde 4 wega e temporada aki, despues cu anteriormente el a perde 3 wega debi na un lesion di hamstring.

Yankees a haci un oferta formal na Bellinger



NEW YORK: New York Yankees kier firma Cody Bellinger bek y a haci un oferta formal na e hungador di outfield di 30 año, segun Jon Heyman di New York Post. Bellinger tabata tin un hopi bon temporada na 2025 den su prome año cu Yankees. E dos biaha All Star y ex MVP a caba cu un average di bateo di .272 y un promedio di yega base di .334, cu 29 homerun, 98 careda

impulsa y 13 base roba den 152 wega. El a hunga defensa hopi bon tambe, logrando 12 careda defensivo salba den outfield. Yankees te ainda no tabata mucho activo riba e mercado di agencia liber te ainda. Tin otro ekiponan interesa tambe den Bellinger, incluyendo New York Mets, Los Angeles Dodgers y San Francisco Giants.

Astros a firma pitcher Japonés Imai na un contrato di 3 año



HOUSTON: Tatsuya Imai ta yegando Major League Baseball. E pitcher drechi Japonés a bay di acuerdo pa firma un contrato cu Houston Astros, segun Jeff Passan di ESPN. Imai su acuerdo ta pa 3 año y ta inclui opt-outs despues di cada temporada. E pitcher di 27 año su contrato ta na balor di 63 milyon dollar y ta cuminsa na 18 milyon dollar pa año,

cu e oportunidad di aumenta na 21 milyon dollar basa riba e cantidad di inning tira. Imai tabata un di e top pitchernan disponibel den agencia liber despues di caba cu un ERA di 1.92 pa Seibu Lions na Japon temporada pasa. E Japonés tabata tin tambe un average di 9.8 ponche pa cada 9 inning tira. El a picha e ultimo 8 temporadananan pa Lions y tin un ERA di 3.15.

Kawhi ta sigui anota bon y Clippers a gana Jazz



INGLEWOOD: Despues cu recientemente Kawhi Leonard a anota 55 punto den un wega, Diahuebs el a anota 45 punto y James Harden a contribui cu 20, pa yuda Los Angeles Clippers gana Utah Jazz 118-101. Leonard a caba tambe cu 7 rebounds, mientras cu Harden tabata tin 7 asistancia. Los Angeles awor pa prome biaha e temporada aki tin un racha di 6 triunfo consecutivo.

Clippers trempa tabata tin un ventaha di 21 punto, pero Jazz a bin bek pa corta e ventaha. Despues Clippers a tuma bek un bentaha grandi. E maximo anotador di Utah tabata Kyle Anderson, kende a caba cu 22 punto y 8 rebounds. Brice Sensabaugh a contribui pa Jazz cu 20 punto, mientras cu Isaiah Collier a termina cu 16 punto, 6 rebounds y 10 asistancia.



Noticianan for di Hulanda

Aumento grandi den cantidad di candela di auto y cas durante cambio di aña



HULANDA: Durante cambio di aña na Hulanda tabata tin bastante mas candela di auto y cas, compara cu añanan anterior.

Asina e cantidad di candela di cas a redobla den dos aña di tempo, segun cifranan di incidentenan durante cambio di aña di e asina yama Nederlands Instituut Publieke Veiligheid (NIPV). NIPV, un instancia cu ta sostene

e asina yama 'veiligheidsregios', ta basa nan mes riba datonan di e melddkamers di brandweer. E cifranan ta core di 00.00 riba 31 di December te cu 08.00 riba 1 di Januari, un periodo di 32 ora. NIPV a nota 361 candela di auto, cu ta 33% mas cu aña pasa. E cantidad di candela di cas a aumenta cu 53 porciento na 228.

Teenagers di 16 y 18 aña tira mata na Amsterdam ta habitantenan di Syria cu tabata keda den azc den Sloterweg



HULANDA: Dos teenager di Syria di 16 y 18 aña den marduga di Diahuebs pa Diabierna a wordo tira mata den Amsterdam Nieuw-West.

Ambos tabata biba den e centro pa buscador di asilo den Sloterweg. Un conflicto mas grandi lo a hunga un rol den e caso aki.

E hobennan a wordo tira mata al-redeor di mey anochi na Mance Postbrug den Piet Wiedijkpark na Osdorp.

E ta un tiki mas cu 1 kilometer leu

di e centro pa buscador di asilo unda cu nan tabata biba. Servicionan di ayudo a purba di reanima e victimanan, pero esaki tabata envano.

Un of mas sospechoso di e acto a core bay for di e sitio. Un team grandi di recherche ta buscando e sospechosonan di e crimen.

Tabata tin personanan cu a declara na polis cu e caso tin di haber cu un conflicto entre hobennan di Syria y hobennan cu ta papia Spaño.

Diasabra tambe centenares di buelo a wordo cancela na Schiphol debi na weer di winter



HULANDA: E cantidad di buelo na Schiphol cu a wordo cancela debi na e weer di winter ta sigui aumenta.

Unda cu Diabierna e aeropuerto a wordo afecta caba pa cancelacion di centenares di buelo, Diasabra un biaha mas tabata tin centenares di buelo mas.

E aeropuerto ta verwacht tambe centenares di retraso entre otro

door di caida di sneu, kitamento di ijs for di avionnan y direccion di biento.

Door di esaki KLM ta mustra di ta esun cu ta cancela mas buelo, pero easyJet y Lufthansa tambe a cancela varios buelo.

Un vocero di KLM anteriormente durante e dia a splica cu e aerolinea tabata scrap buelonan na ultimo momento.

Sospechoso di accidente fatal cu vuurwerk na Nijmegen laga den libertad



NIJMEGEN: E sospechoso cu lo ta involvi den morto di un mucha homber durante cambio di aña na Nijmegen a wordo laga den libertad door di polis Diahuebs atardi. Ta trata di un sospechoso adulto. Aunque el a wordo laga den libertad, e sospechoso mester keda disponibel pa mas investigacion, polis a meld.

Un rato despues di mey anochi e

victima a perde su bida door di un explosion di vuurwerk na Meeuwse Acker den e bario 't Acker na Nijmegen.

Segun de Gelderlander e victima tabata 16 aña di edad.

Polis no kier a duna informacion riba identidad di e hoben.

Un vocero policial a conta prensa cu ta wordo verwacht cu e investigacion ta bay dura basta tempo.

Noticia Internacional

Tragedia na Suisa:

Varios morto y por lo menos 100 herido despues di un explosion den un bar den un resort di ski

Un tragedia a azota e resort exclusivo di ski Suiso di Crans-Montana durante e celebracionnan di Año Nobo.

Un candela sigui pa un explosion den un bar di e resort, situa den e canton di Valais, a causa un incidente grandi diahuebs mainta trempan. Segun polis local, e incidente a resulta den varios decenan di morto y casi cien herido, hopi di nan kemaduranan severo.

E candela a cuminsa pa 1:30 a.m., durante e fiesta di Año Nobo cu tabata tuma luga na e bar Le Constellation den e resort di ski Suiso di Crans-Montana, den e canton di Valais, den sur di e pais.

Segun hipotesis inicial, e candela a causa un explosion na contacto cu material pirotecnico, aunke varios testigo a bisa e cadena



Frances BFM TV cu e origen por tabata un bela of un flare poni riba un boter di champaña.

Fiscal General di Valais, Beatrice Pilloud, pa medio di e comandante di Polis Cantonal di Valais, Frederic Gisler, a tene un conferencia di prensa unda el a specifica algun detaye: “Na momento cu mi ta papiando cu boso, nos a conta cien persona herida, hopi di nan ta grave, como tambe decenas di persona

cu presumiblemente a fayece. Mirando e escala di e tragedia aki, nos no por a identifica tur e victimanan, pero ta probable cu nan por ta victimanan for di exterior.”

Pa awor, e investigacion ta keda habri y no ta descartar ningun hipotesis, ya cu ainda ta analisando e interior di e bar y e autoridadnan tin e colaboracion di e Instituto Forense di Zurich.

FBI ta stroba un posibel atake terrorista vincula na ISIS na North Carolina



WASHINGTON: Autoridadnan federal di Merca a frustra un potencial atake terrorista di fin di año den un localidad na North Carolina, director di FBI, Kash Patel, a anuncia dia- bierna, identificando como responsabel un individuo supuestamente influencia pa Estado Islamico (ISIS). “FBI y su partnernan a stroba un otro atake po-

tencial di fin di año di un individuo supuestamente inspira pa ISIS,” Patel a publica riba X.

E hefe di e agencia federal a ripiti un alerta di e oficina di FBI na Charlotte, North Carolina, cu a informa cu e sospechoso, identifica como Christian Sturdivant, di 18 año di edad, tabata supuestamente “inspira directamente pa ISIS

pa comete e atake.”

E supuesto autor a wordo aresta y tabata preparando e atake pa mas o menos un año, pa cual e tabata planea pa uza cuchiu y martiu na un tienda di comestibles y un restaurant di ‘fast food’, asina fiscal federal Russ Ferguson a bisa durante un conferencia di prensa den e ciudad, esun mas grandi di e estado sur di Merca. Sturdivant “tabata preparando pa jihad, y hendenan inocente tabata bay muri. Nos tabata hopi, hopi suerte cu e no a logra”, Ferguson a agrega, kende a specifica cu nan por a descubri e plan di e hoben pasobra el a cuminsa comunica cu un funcionario undercover cu tabata haci como un agente di ISIS.

INTERNACIONAL NOTICIA FOR DI COLOMBIA

CANDELA A DESTRUI MAS DI 10 CAS NA CALI



CALI: Habitantenan di e bario El Pondaje, situa na e parti pariba di ciudad di Cali, a bati alarma pa un candela den e sector La Laguna, riba dia di Año Nobo atardi. Tur cos a cuminsa na un solo cas cu a cuminsa kima banda di 4:58 pm. E candela a expande y huma diki a cuminsa sali di e vivienda aki. Unidadnan di Bombero cu tambe tanker truck y un Ambulans a mobiliza pa e area. E cas cu tabata kimando ta uno traha di palo, y esaki a pone cu vlamnan a crece rapido y a cuminsa plama pa otro casnan banda di dje. Un cantidad di otro cas mas a keda destrui, uno pa uno, ora cu chispanan di candela tabata cay riba nan y cende e casnan aki tambe. Algun habitante a logra di saca algun pertenencia y tambe aparato electrico, pero otronan a keda sin nada. Bomberonan a keda lucha 2 ora largo prome cu nan a logra domina e candela. Na final a nota cu 10 cas a kima completamente, y 10 otro a wordo afecta cu daño di huma y tambe awa.

BABY DI 1 AÑA HERIDA GRAVEMENTE CU Klapchi

MEDELLIN: Hopi mucha menor di edad a ricibi quemadura grave den tiramento di klapchi pa cu cambio di e



Año Nobo. Ta asinaci cu na Medellin, e impacto tabata hopi grave riba muchanan, y loke mas a hala atencion ta e hecho cu un baby di 1 año, a ricibi quemadura serio na su curpa. E

caso aki a socede na bario Cabañas, na Bello, unda e baby a ricibi quemadura di 2do grado na su cara y splinternan na su braza despues cu un vuurpijl a explota menos di un meter leu, mientras cu e tabata den braza di su tata. Segun e mayornan a splica, cu ta nan bisña tabata tirando klapchi y vuurpijl, no obstante cu a adverti nan cu tin hopi mucha chikito den e area. E baby a wordo hiba mesora pa Hospital Pediátrico di Niquía, unda docternan a haya cu ta miho pa e baby keda hospitaliza. E caso a wordo raporta na autoridadnan di ICBF pa sigui investiga ta kende a tira e vuurpijl aki. Tin un caso tambe den bario Villa Loma na San Antonio de Prado, unda un mucha di 7 año a ricibi quemadura y splinter na su cara, cachete, pecho, y braza despues cu un klapchi a cay y explota banda di dje, net ora cu e tabata cende algun bela riba e acera pafu di su cas. Fuera di esaki, autoridad a bisa cu hopi mucha mas te cu 13 año di edad, a ricibi quemadura di 2do y tambe 3er grado, fractura, y tambe tabatin caso cu mester a amputa dede afo di e muchanan aki. Mayoria di e casonan ta relaciona cu e tiramento direct di klapchi. Tambe a raporta caso di quemadura di personanan (incluyendo mucha) cu tambe tabata djis para un banda pa mira y no tabata tirando klapchi.

Noticia Internacional

INTERNACIONAL

NOTICIA FOR DI
VENEZUELA

PRENSA CHAVISTA A CONFIRMA ATAQUE MERICANO

CARACAS: Un medio di comunicacion liga cu regimen Venezolano, a bira e prome cu a confirma e ataque militar di Merca riba territorio Venezolano, na un franha costera di parti west di Golfo de Venezuela, na e area entre Colombia y estado Zulia. E ataque haci door di CIA di Merca uzando drones cu misil abordo, a mik riba e zona strategico ubica entre Puerto Lopez (Colombia) y comunidad di Poshoure (Venezuela), historicamente vincula cu trafico di droga. Donald Trump a bisa cu Merca a ataca area di Venezuela na un pier "unda ta yena barconan cu droga". E escogencia di Merca pa e area aki ta di spera, como cu e franha di costa entre Puerto Lopez y Poshoure tin un tradicion largo di contrabando y narco-traffic. Riba e potret por mira parti di loke a resta di un misil, haya na e Pier destrui. Poshoure ta situa como 195 km Zuid-Zuidwest di Aruba.

TEENAGER MATA SU TATA DEN REUNION DI FAMILIA

MERIDA: Un hoben di 16 aña di edad, ta responsabel pa asesinato di su tata César Pereira Marquez di 42 aña, y a wordo deteni pa oficialnan di Polis Cicpe na e sector Bordo de Guinea, di municipio Tovar na estado Merida. E hoben tabata na un reunion di familia ta dal algun drinks, ora cu un discusion basta fuerte a start cu su tata. Meymey di e pleito, esaki a escala di tal forma, cu e hoben a saca un cuchiu y cu esaki el a dal y hinca e victima varios biaha. Aparentemente e tata Cesar tabata nenga di reconoce legalmente como su yiu biologico. Den e caso aki, Polisnan di Cicpe a confisca e cuchiu cu el a uza pa comete e crimen, y a confisca un motorcycle modelo Aguila 150 tambe. Pa awor e ta encarcela te ora cu su caso presenta dilanti Hues. Como cu e ta menor di edad, e number di e hoben no a wordo suministra, y riba potret por mira e cuchiu cu el a uza.

MADURO BISA CU MERCA TA YEN DI "FAKE NEWS"

CARACAS: President Nicolas Maduro a declara e siman aki, cu Merca ta transmitiendo hopi "fake news" encuanto Venezuela, awor cu tin hopi militar Mericano den Lama Caribe pa supuestamente combati narcotrafico cu ta sali di e pais. "Tur loke nan ta bisa ta ganiamento, pues boso riba social media, muhenan, na spaño, na ingles, na wayúu, boso por kibra e cadena y e censura cu prensa di Merca tin riba e berdad di Venezuela," el a bisa durante su discruso na e acto di inauguracion di Escuela Internacional de Liderazgo de la Mujer, cu a wordo transmiti via TV. El a bisa esaki sin desmenti algun noticia en particular. El a agrega cu Fuerza Armada Nacional Bolivariana (FANB) a 'destrui' nueve avion pirata e siman aki, cu ta vincula cu narco-traffic na estado Amazonas, cu ta na frontera cu Brasil y Colombia. E ta orguyoso cu FANB ta e forza mas grandi cu Venezuela tin, y cu ta defende e pais 24 ora pa dia.



Atraco miyonario na Alemania:


Ladronnan a kibra muraya pa horta den un kluis di banco

Durante oranan di marduga di dialuna 29 di December, un grupo di ladron a dreña den e kluis di un branch di Sparkasse den e ciudad di Gelsenkirchen, west di Alemania, y a comete un di e atraconan di banco mas grandi den historia recién di e pais.

E botin, calcula na entre 10 y 90 miyon euro (USD 12,9 miyon y USD 105 miyon) cash y articulonan di balor, tabata pertenece na miles di cliente, segun polis local y e institucion financiero.

E atraco a tuma lugá durante e periodo di Pasco, ora cu mayoria tienda y sucursalan di banco ta keda cera desde e anochi di 24 di December, permitiendole ladronnan opera sin interferencia externo.

E atracadornan a haya acceso na e kluis despues di



a bora door di un muraya di beton diki, cu a duna nan acceso na cahanan di seguridad. Autoridadnan ta calcula cu por lo menos 2700 cliente di Sparkasse a wordo afecta.

E crimen a wordo descubri ora cu un alarma di candela a activa presencia di polis y bomberonan alrededor di 4:00 a.m. riba dialuna.

Na e momento ey, e agentenan a descubri un buraco den e muraya cu a conduci directamente na e kluis, Euro News a informa. E

ladronnan, usando hermentnan special, a logra bora den e estructura di beton y haya acceso na e caha fuerte sin cu nan a wordo detecta di antemano.

E banco afecta a keda cera diamars despues di e atraco mientras cu autoridadnan a sigui cu examinacion forensico na e lugar. Durante e dia, mas o menos 200 hende a keda para dilanti di e sucursal pa exigí con-testa y acceso na nan caha di seguridad.

Un temblor fuerte di magnitud 6.5 a sacudi centro di Mexico



Ciudad di Mexico: Un temblor di magnitud di 6.5 riba e escala di Richter a wordo registra diabierna awo na Mexico pa 7:58 a.m. ora local (1:58 p.m. GMT), segun e Servicio Nacional Sismologico (SSN).

E temblor tabata centra na costa di e estado sur di Guerrero, den Pacifico,

pero su efectonan a wordo sinti den varios ciudad di henter e pais, incluyendo e capital Mexicano, aunke te ainda no a raporta daño material of perdida di bida.

Segun SSN, e temblor a wordo considera "severo" y a adverti cu ta mantene monitoreo den e areanan unda a sinti esaki.

Di su banda, Presidente Mexicano Claudia Sheinbaum a declara durante su conferencia di prensa di mainta cu el a papia cu e gobernador di Guerrero, Evelyn Salgado, "y nan ta convoca e Consejo di Proteccion Civil y te awor ta parce cu no tin daño serio."

E mandatario a especifica cu, den caso di Ciudad di Mexico, como protocol, autoridadnan a bula cu helicopter riba e area, "y a informa cu no tin daño tampoco".

Mientras tanto, e coordinacion estatal di Proteccion Civil a especifica cu e temblor a wordo sinti den e regionnan di Tres Vallés, Córdoba, Los Tuxtlas, Xalapa, Orizaba, Huatusco y Coatzacoalcas.

Oracion na Papa Dios pa aña 2026

ORANJESTAD (AAN)-- Cu hopi alegria e pueblo di Aruba a yama bon bini, na Aña Nobo 2026. Semper e momento na unda den tur bario, net pa 12'or di mey anochi ta cende nan vuurwerk y ta lusa e inicio di marduga cu hopi esplendor multicolor.

Tin un oracion masha bunita cu diferente famia a manda via wsp pa sernan ker, bisiñanan, amistadnan y den famia.

"Mi Dios stima, awe mi ta acerca bo den e cabamento di Dia 31 December 2025 aki, cu un curazon spiertu y gradici,. Danki pa a permiti mi yega te final di aña 2025, pa sostene mi dia tras pa dia, y no los mi di Bo man, incluso ora mi forzan a debilita".

"Danki pa e Bida, e siñanza, pa cada mainta cu bo a regala mi un oportunidad nobo, y pa cada anochi cu Bo a cuida mi tanten mi tabata sosega".

"Señor, awo mi ta haci memoria di e aña aki cu ta termina y mi ta reconoce Bo presencia den cada etapa. Danki pa e momentonan feliz cu a yena mi alma di alegria, y tambe

pa e pruebanan cu a siña mi confia mas den Bo. Danki pa e portanan cu a habri, y pa esnan cu a cera pa proteha mi. Nada tabata den vano, nada a pasa sin ser nota pa ABO, y awe mi ta reconoce cu humildad y gratitud.

Awe Señor mi ta pone den bo man e aña 2026 cu a caba di habri. Mi ta entrega B'e cu FE, sabiendo cu Bo ta preparando caba camindanan, encuentronan, oportunidadnan

y milagronan. Mi ta pidi bo pa e ta un aña di crecemento y provision, di decisionnan acerta y soñonan cu ya a cuminsa tuma forma. Guia mi cu Bo sabiduria, duna mi valentia, y serenidad pa mi confia den Bo temponan.

Benciona mi famia, y tur famia na Aruba y henter mundo, Cubri nan cu salud, amor y unidad. Cu e aña haci nos mas conciente di Bo presencia den nos hogar, nos trabao

y nos pais".


Señor ademas nos di Matutino DIARIO ta gradici bo pasobra nos a cuminsa un

otro etapa, cu hopi deseo y perseverancia pa sigui dilanti pa sirbi nos pais y tin e bon informa.

Oracion pa awe:

Dushi Hesus nos ta yama Bo danki cu nos por habri aña 2026. Nos sa cu Abo ta bendiciona nos y nos famia. Mama Maria ta compania nos. Dushi Hesus nos ta pidi Bo pa regala nos e deseonan di nos curason pero no nos boluntad pero Bo boluntad sea haci. Danki pa bo amor y pasenshi cu nos.

AMEN.
G.C.P.A



Stichting voor Volkshygiëne Wit Gele Kruis Aruba

Na number di directiva y personal di Wit Gele Kruis Aruba, nos ta anuncia fayecimento di:

Romana S. Hassel - Delaney

Mama di nos colega Sharlene Hassell.

Pa medio di esaki nos ta extende nos mas sincero condolencia na Sharlene y famia.

Nos pensamiento ta cu boso tur.



Cu inmenso tristesa Citgo Santa Cruz ta anuncia fayecimento di nos colega

Sr. Mario Thiel

Nos ta expresa nos mas profundo condolencia na rumannan y demas famia y ta desea nan hopi forsa den e dianan dificil aki.

Cu Mario sosega na paz.

Acto di entierro lo tuma lugar, Diasabra, 3 di Januari di 2:00 pa 4:00 pm na Kapilla Santa Famia na Pos Chiquito.

Citgo Santa Cruz lo ta ser a Diasabra, 3 di Januari, 12:00 merdia te cu 6:00 atardi.

*"No corda riba mi den e dianan scur.
Pero corda riba mi durante e solo briyante.
Corda riba mi con mi tabata ta, tempo cu mi por a haci tur cos"*

Cu imenso dolor pero agradecido pa loke el a significa pa nos, ta anuncia fayecimento di nos omaatje stima:



Sra. Mildred Theresa Maduro
*Oranjestad (Aruba), 8 augustus 1949
† Hellevoetsluis (Hulanda),
29 december 2025

Na number di su mayornan:
† Querino Maduro
† Josefita Maduro

Yiunan:
Gevaline Gomez, yiunan y nietonan
Dayanara Gomez, yiunan y nietonan

Rumanan:
Viola Maduro y Ronald Bhagwagndas
Ronald, Elina Maduro y famia
Nelson, Maria Maduro y famia

Tata di su yiunan: Emilio Gomez

Subrino y subrinanan, primo y primanan, achterprimo y achterprimanan, ihanan, comper y comernan, amistadesnan y conociman.

Demas famia: Maduro, Fingal, Gomez, Vrolijk, Odor, Perez, Kock, de Mey, Eugenia, Simon, Winklaar, Nicasia y demas famia nan na Hulanda y Aruba.

Acto di entierro lo ta tuma lugar na Hulanda Dialuna 5 di Januari 2026.

Nos ta pidi nos mas sincero disculpa si den nos tristesa nos por a lubida un of otro persona.

**Pa chica Pos - Habri tuberia y wc.
Servicio lihe y confiabel.**

Experiencia ta manda
CICLONE
Septic Tank Service

Tel: 564-0607 / 734-0607

WASMACHINE

Ta drecha wasmachine,
dryer, stoof, forno.
Ta drecha, service y instala
airco. Tel: 742-2518.
Ta drecha na cas mes.

TA CHAPI

Corta mata.
Ta tira sushi afo. Nos
ta hardineria completo
na super bon prijs.
Tel: 569-8003

NOS TA DRECHA

Frigidaire,
wasmachine, dryer,
airco, cooler.
Tel: 566-4366

DIARIO

Pa noticia, cumpleaños,
comentario, redaccion:
noticia@diario.aw

Tel: 582-6747

SUPERCARD SUPERDEALS



**COMFORT
CLASS**

**Monday
Thursday**

8.00AWG

**Friday
Sunday**

9.00AWG

IMAX

10.00AWG

11.00AWG

VIP

11.00AWG

12.00AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Ministro Gerlien Croes a bay felicita Eagle Bowling Palace cu nan 35 aniversario



ORANJESTAD (AAN): E ta un empresa cu pa hopi hende, ta e catalizador pa yuda nan siña, y hasta forma parti di teamnan organiza cu tabata competi na nivel nacional y tambe internacional den Bowling.

Ta trata aki di Eagle Bowling, cu a wordo funda na 1990 tempo cu ainda no tabatin e rotonde riba Sasakiweg mes.

Eagle Bowling ta uno cu a crece cu comunidad, a duna tur hende e chens di hunga riba canchanan moderno di bowling, cu sistemanan computariza cu tabata mantene

score pa tur participante.

Hunto cu su Bar atractivo y snackbar cu cuminda sabroso, e lugar a sa di sigui crece. Awor cu el a yega su di 35 aniversario, Ministro di Deporte, Gerlien Croes a asisti tambe na e fiesta pa observa e ani-

versario unico aki.

Ministro Croes a manda palabra di pabien na gerencia, staf y personal. El a desea nan hopi aña mas di exito, y a gradici nan pa garantiza e continuacion di deporte di bowling na Aruba.



**“E ta traha cos bunita na su tempo”
Eccl 3:11**

**Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.**

Cu inmenso tristesa y dolor su sra
Julie Maduro-Peterson ta anuncia
cu a bai sosega den brasa di
Señor

**Rigoberto Frederick
Maduro
“Rory-Tio-Roly”
*29-08-1948 - †1-01-2026**

Acto di entierro lo wordo anuncia despues





LUCKY GROUP OF STORES

Hisense

32" SMART LED HD TV



LG
Life's Good

**SIDE BY SIDE
REFRIGERATOR**



**23
CUFT**

3299.00

MEDIA RECEIVER

Dual



Life's Good

**TOP MOUNT
REFRIGERATOR**

**08
CUFT**



949.00

SANKEY®

**SEMI AUTOMATIC
WASHING MACHINE**

**07
KG**

349.00

Midea®

**4 BURNER GAS
STOVE**

**20
INCH**

479.00




LUCKY ELECTRONICS

HAVENSTRAAT #27 TEL:-582-9630 / 6610420

APPLE IPHONE 17s



MY TAB PRO



**SAMSUNG
GALAXY Z Flip7
512GB**



**MASSAGE GUN
with Travel Pack**



PlayStation

PORTAL



Carnival Special Products Available



Diffuser



Painting



Christmas Lights



**Folding
Chair**

34.95

Wall Clock



Digital Scale



Tent

3m x 3m



3 in 1 Mixer



**2 Beach Chair
& Side Table**



Wardrobe



LUCKY SUPER STORE

JOHN G EMANSTRAAT #71 TEL:-582-3001

LUCKY FAMILY STORE

SAVANETA #490 TEL:-582-0034

LUCKY ELECTRONICS

HAVENSTRAAT #27 TEL:-582-9630